



सानसेयारि 'बड'सा' खीरालाइयाव अमाज्यादि जिउजो लोब्बा थावाय रायथाय, खन्थाय, अल', अल'बाथा आरो हावबायादि थावनि, पार्क बाइदिनि सायाव लिन्नाय लिन्दिबाँ दैथाय ठर/ सानसेयारि 'बड'सा' खीरालाइया अवेख्रानावै फोसावगोन।  
बड'सायाव लिन्नाययि हुबा खालाम्, 'बड'सा' खी नौथो, जो बयबो आंगो खालाम्।  
सानसेयारि बड'सा मावखुलि  
माइबं नोगोर, जोहोलाव देमालु लामा  
कक्राइर, बिटिसि-783370  
Website: www.bodosanewspaper.com

BODOSA ★ A Bodo News Daily ★ Wednesday ★ 20 December, 2023 Kokrajhar, BTC, Assam ★ Vol.- 33, Issue No. 264 ★ R.N.I.Regd.No.40994/91, Assam Govt.Regd.No.IPRD.40/2006/3, ★ Rs./-

### पद्मफुखि गामियाव ट्राक सालायगिरिआ गावनि जिउखौ फोजोबनानै लादों

गसाइगाव, 19 डिसेम्बर: कक्राइर जिल्लानि गसाइगाव पुलिस थानानि सिडव थायाय पद्मफुखि-बनपारा गामिनि थगिरि रंसारि सारितुल्ला सेखनि फिसान्ला आरो ट्राक सालायगिरि सेकन आलि (40) खौ फासि लानाय थासारियाव बोखानो हानाय जाथाया ओन्सोल नाइ नो सोमोनानाय थासारि सोमजिहोदों। सुलुडा फोरमायनाय बादिब्ला, सेकन आलिआ मैया मोनाबिलिफ्रायनो गोमानानै दड'मोन। दिने कु'बिलियाव ओन्सोलनि राइजो-राजाफोरा गामिनि खाथियाव थायाय (□ 5 बिलाइआव)

## बिटिसि सरकारनि थामथि बोसोर आबु जानायनि लोब्बायै मटर साइकेल रेलि खुंदों

कक्राइर, 19 डिसेम्बर: प्रमद बर'देदनाय इउपिपिएल-बिजेपि आरो जिएसपि जुथाय हान्जानि बिटिसि खुंथाया 3 बोसोर आबु जाबाय। जुथाय हान्जानि खुंथाय समाव बिटिसिनि गुबुन गुबुन हारि-माहारिनि गेजेराव गोजोनि थासारि फेफिनबाय। बेनिनो खों फोसावनो थाखाय दिने बिटिसि सदर कक्राइरनिफ्राय बाक्सा जिल्लासिम मोनसे मटर साइकेल रेलि खुंनाय जायो। मख'नो गोनान्दि, थांनाय 10 डिसेम्बरनिफ्राय 15 डिसेम्बरसिम बिटिसि खुंथायनि बान्जायनायाव मेहेर गोनां हाबाफारिजों 3 थि बोसोर आबु जानायनि फोबों



खुंनायनि उनाव दिने बिटिसिनि दावबायथाय बिफाननि बान्जायनायाव बे गोजोननि मटर

साइकेल रेलि खुंनाय जायो। बिटिसि सेक्रेटारियेट लांगोनिफ्राय जागायजेन्नाय गोजोननि मटर साइकेल रेलिया बाक्सा जिल्लानि

बगामाति दावबायथिलिसिम थंगोन आरो लामायाव मोनलानाय गुबुन गुबुन दावबायथिलियाव (□ 5 बिलाइआव)

## लामा रैखाथिनि गोहो चता क'प प्रजेक्टनि थाखाय लामा रैखाथिनि सिगां सारिनि एजेन्सि, आसामआ इयं इण्डियानस, गुवाहाटीजों बुजिलायनाय गोरोबथा खादों

गुवाहाटी, 19 डिसेम्बर: आसाम सरकारनि हाथामेला बिफाननि सिडव थायाय सिगां सारिनि लामा रैखाथिनि एजेन्सि आरो इयं इण्डियानस गुवाहाटीया चता क'प प्रजेक्टनि थाखाय बुजिलायनाय गोरोबथा खायो। गुवाहाटी नोगोरमनि फरायसालिनि फरायसाफोरनि गेजेराव लामा रैखाथिनि सायाव सांग्रांथि लाबोनानाय थाखाय दिने आसाम सरकारनि हाथामेला बिफाननि सेक्रेटारिनि मावखुलियाव बे गोरोबथाखौ खानाय जायो। बे हाबाफारियाव राइज्यो सरकारनि हाथामेला बिफाननि सेक्रेटारि आदिल खान, हाथामेला



बिफाननि उक्रा सेक्रेटारि गौरभ बिबानगिरिया बाहागो लायो। चता उपाध्याय आरो लामा रैखाथिनि क'प प्रजेक्टखौ थांनाय 2018 सिगां सारिनि आजेन्सिनि गाहाइ (□ 5 बिलाइआव)

## बिजिरसालिया सानै दायनिगिरिफोरनो जोबथेसालिनि साजा फोसावदों

कक्राइर, 19 डिसेम्बर: कक्राइर जयदेब कचनि जर'खा बिजिरसालिया दिने सानै दायनिगिरिनो जोबथेसालिनि साजा फोसावो। बेनिनो सासेया जादों धुबुरि जिल्लानि बगरिबारि पुलिस थानानि सिडव थायाय खामारगारनि जयनाल आबेदिन (28) आरो गुबुन सासेया कक्राइर जिल्लानि गसाइगाव पुलिस थानानि सिडव थायाय जनालि गामिनि राहुल मुसाहारी (30)। कक्राइर जर'खा बिजिरसालियाव सरकारि एडभकेड मन्जित कुमार घषआ मिथिहोनाय बादिब्ला, थांनाय 2020 माइथायनि 18 जुनआव बगरिबारि पुलिस थानानि



सिडव थायाय खामार गामनि जयनाल आबेदिनआ सासे उन्दै बैसोनि हिन्जावसाखौ जुलि खालामनो खोथा होपलानानै गाजि हाबा मावदोंमोन। बेनि उनाव हिन्जावसानि नख'रा थांनाय 21

जुनआव बगरिबारि थायाय मोनसे गसर थिसनो। बगरिबारि थायाय गसर नं 68/2- आरो जर'खा गसर नं 17/20 बादियै बिजिरसालियाव नायबिजिरनाय (□ 5 बिलाइआव)

## तामिलनाडुआव गोबां अखा हानाया गिखंथाव थासारि सोमजिहोदों

चेन्नाय, 19 डिसेम्बर : तामिलनाडुनि खोला राइज्योआव लान्थिये अखा हादों। गोबां अखा हानायाय जाहोनाव गोबां ओन्सोलफोराव दै बाना बायदि थासारिया सोमजिहोदों। लान्थिये अखा हानायाय जाहोनाव रेल खरनायावबो गोहोम गोलैदों। थाद'नाय गैयै अखा हानायाय जाहोनाव दै बाना बायदि थासारिनि गेजेराव खोला रेलवेनि श्रीभेकुन्थय रेलवे स्टेसनआव सा 800 निफ्राय बांसिन दावबायारिफोरा थाबथाना हादों मोन, जेराव 300



दावबायारिफोरखौ दिहुनो हाबाय, नाथाय दासिमबो 500 दावबायारिफोर थाबथाना थदों। खोला रेलवेआ सलेल मिडिया


एक्सआव पस्ट खालामना खोंरों होनाने फोरमायदोंदि, गासैबो थाबथाना (□ 5 बिलाइआव)

## बिपिएफनि सालबारि जिल्ला सुत्रधर सेल दाफुंदों



भबानिपुर, 19 डिसेम्बर: बिपिएफ दोलोन सालबारि जिल्ला आफादनि बान्जायनायाव दिने बासवारिनि मयुरि रिजटआव खुंनाय मोनसे दोलोयारि मेलाव बिपिएफनि सुत्रधर सेलनि सालबारि जिल्ला आफादखौ दाफुंनय जायो। बिपिएफनि सालबारि जिल्ला आफादनि आफादगिरि खनिन्ड ब्रह्मनि आफादगिरि मासि सामब्लायनायाव खुंनाय मेलाव दिपेन सुत्रधरखौ आफादगिरि आरो जयदेब सुत्रधरखौ गाहाइ नेहाथारि महैर सायख'नानै गासै सा 62 सोद्रोमनि बिपिएफ दोलोन सुत्रधर सेलनि सालबारि जिल्ला आफादखौ दाफुंनय जायो। मेलाव बिटिसिनि सालबारि बियाबनि एमसिएलए जय मुसाहारी, लाइमोन बिपिएफनि मिरु आफादनि नेहाथारि कास्तम बसुमतारि, बिपिएफनि मिरु नेहाथारि राजु बराल, (□ 5 बिलाइआव)

## फातेह- अल-सिसिआ थामथि खेब मिश्रनि हादरगिरि सायख'जाबाय



कार्य', 19 डिसेम्बर: मिश्रनि हादरगिरि आब्ले फातेह अल सिसिआ समबारखालि हादरगिरि बिसायख'थिआव देरहासरनायनि फासै आवागयलांगिसिनो। गेजेर (□ 5 बिलाइआव)

## गसाइगाव दखरा एबसुनि खुंगा 30 थि बोसोरारि थान्दै जखन्थाइ हाबाफारि खुंदों

गसाइगाव, 19 डिसेम्बर: दुलाराइ बर' फरायसा आफादनि गुबुन गुबुन जिल्ला-दखराफोराव बोसोरारि जखन्थाइ हाबाफारि खुंनाय बायदिनो कक्राइर जिल्ला एबसुनि सिडव थायाय गसाइगाव दखरा एबसुनि 30 थि बोसोरारि थान्दै जखन्थाइ हाबाफारिया दिने सानसेनि हाबाफारिजों गसाइगाव दखरा एबसुनि मावखुलिनि सावनाय न'ब्लाखव जानानै थाडे। फु'बिलियाव दखरा एबसुनि आफादगिरि सोरां बसुमातारिआ फिरफिला बिरहोनाय आरो



दखरानि बोसोनगिरि बिश्वपथि मुसाहारीआ मुख्तफोरनो बिबार

बाउनायनि गेजेरजों हाबाफारिया जागायजेनो। बेनि उनाव गसाइगाव

आरो गविन्द फरायसालिमानि दालाइसा फरायसा आफादखौ लाफानानै गासै मोन 15 दालाइसा आरो दखरा एबसुनि गासैबो दैदेनगिरिफोरखौ लानानै थान्दै जखन्थाइ हाबाफारि खुंनाय जायो। दिनेनि बे थान्दै जखन्थाइखौ कक्राइर जिल्ला एबसुनि आफादगिरि क्रिपे देमारीआ गाहाइ आलासि महैर बाहागो लानानै बेखेवनानै होयो आरो फेगों (□ 5 बिलाइआव)

## सालबारियाव इउपिपिएल दोलोन खौरांगिरि मेल सरकाराव थायै एमसिएलएआ मा खामानि मावगोन: बिखन गयारी



सालबारि, 19 डिसेम्बर: लक सभा बिसायख'थिखौ लानानै मोनफ्रोमबो राजखाथि दोलोफोर

बियावफोराव मेल-मिथि खुंना.खौ जागायजेन्दों। मिरुनि दैदेनगिरिफोरनिफ्राय जागायजेनानै

गाहाय थाखोनि दैदेनगिरिफोरा दोलोनि साखुआव राजखाथिनि फोथाराव ओंखारजेन्दों। बेनि गेजेरावनो बिटिआरआव फिन गोखों जाखुबोदों हाग्रामा महिलारी दैदेननाय बिपिएफ दोलोया। आथिखालाव बिटिआरनि मोनफ्रोमबो जायगाफोराव खुंनाय जगदान हाबाफारिनि गेजेरजों गोहो दिन्थिफुबोदों। लोगोसे बिजेपि- (□ 5 बिलाइआव)

## खारिजा बिजनीआव आसाम केसरि अम्बिकागिरि रायचौधुरीनि जोनोम साननि लोब्बायै मिरु चेतना सान फालिदों



भबानिपुर, 19 डिसेम्बर: आसाम केसरि अम्बिकागिरि रायचौधुरीनि 139 थि जोनोम साननि लोब्बायै आसाम साहित्य सभाया 18 डिसेम्बर सानखौ मिरु जातिय चेतना सान महैर फालिबोदों। बेनि लोब्बायै बाक्सानि खारिजा बिजनी दालाइ साहित्य (□ 5 बिलाइआव)

गोदान दिल्ली, 19 डिसेम्बर: संसदनि रेखाथियाव फेलें जानायनि उनिफ्राय लकसभा आरो राइज्यो सभायाव बेरेखा दोलोफोरनि गेजेरजों गोबां दावराव-दावसि खालामगामिनो दड। बेरेखा दोलोनि दाबि दैखानाय बादिब्ला, बे बिथिडाव अमित शाहआ सदनआव बिबुंथि होयो आरो बिनि सायाव सावरयो। समबारखालिबो बे केसनि सायाव सदनआव गोबां

दखरानि बोसोनगिरि बिश्वपथि मुसाहारीआ मुख्तफोरनो बिबार



दावराव-दावसिखौ नुनो मोन्दों। बेनि गेजेरजों लकसभा आरो राइज्यो सभानि माखासे एमपिफोरखौ सास्पेन्ड खालामो। सुलुनि बादिब्ला, दासिमाव लकसभानिफ्राय सा 46 आरो राइज्यो सभानिफ्राय सा 46 एमपिफोरखौ सास्पेन्ड खालामखां बाय। राइज्यो सभानिफ्राय प्रमद तिवारि, जयराम (□ 5 बिलाइआव)

## सिबिआइनि डायरेक्टर प्रभिण सुदआ इम्फलआव दावबायहैदों

इम्फल, 19 डिसेम्बर: सिबिआइनि डायरेक्टर प्रभिण सुदआ समबारव इम्फलआव दावबायहैदों। मणिपुरआव हारियारि हिंसानि थासारिखौ नायसहेनो आरो सिबिआइ नायबिजिरनायाव आवगयनायनि खौरां लानो सिबिआइनि चीफआ राइज्योआव दावबायहैदों। मख'जाथावदि, मणिपुरआव जानाय हारियारि हिंसानि 27 केसफोरखौ सिबिआइआ नायबिजिरासिनो। सिगांआव बेफोर केसखौ राइज्यो पुलिसआ नायबिजिरदोंमोन। उनाव सिबिआइआ बेनिनो मोन 27 केसखौ गावनि आखायाव लादोंमोन। प्रभिण सुदआ सिबिआइनि गिबिसिनि चीफ, जाय थांनाय मे दानआव (□ 5 बिलाइआव)



## मेघालय एस.एल.डि.सि.आ मानगोनां थामथि एल.डि.सि. बान्था 2023 देरहादों

गुवाहाटी, 19 डिसेम्बर: मेघालय स्टेट लड डिस्पेच सेन्टर (एसएलडिसि) खौ इमजि एसएलडिसि थाखोआव मानगोनां थामथि एलडिसि एक्सोलेन्स एवार्ड 2023 जों मान होनाय जादों। मानगोनां जुरी सोद्रोमाफोरजों होजानाय बे मख'जाथाव जाफुंसारनाया एसएलडिसिनि दिन्थिफुनाय आरो आखा-फाखा पावार ग्रिडसामालयनायनि थाखाय बावसोमनायखौ गनायथि होयो।



बान्था होनाय फोबोंआ भारतारि बिरोंदामिन फसथान (आइआइटी) दिल्लीयाव खुंजादोंमोन। ग्रिड कन्ट्रोलर अफ इन्डिया लिमिटेड (ग्रिड-इन्डिया)आ फाउन्डेसन फर इनभेसन एन्ड टेक्नलजि ट्रेन्सफर (एफ.आइ.टि.टि.) आरो आइ.आइ.टि. दिल्लीनि हेफाजाव थामथि एल.डि.सि. एक्सोलेन्स बान्था आरो 12थि (□ 5 बिलाइआव)

## समाइना हार्बेल सप मुनि मिथिंगायारि दुगैग्रा साबोन दिहुन्नाने फालांगियाव आगान होदों धनन्जय आरो बिन्दिया नार्जरीआ

कक्राइर, 19 डिसेम्बर: करना भाइरास साग्लोबसारानानै गासैबो थेर-बेथेर खालामलानाय समाव गोबां सुबुंफोरा गावनि आंगोखो खोमानानायजों लोगोसे माखासे सुबुंफोरा जिउ खुंनायनि रहाखौ फोमानो गोनां जादोंमोन। नाथाय बेनि गेजेरावबो माखासे सुबुंफोरा गाव-गावनि जिउ खुंनायनि रहाखौ नागिरना लानो हादोंमोन। बे बायदिनो सासे सुबुंफोरा जादों कक्राइर सहरजों नांजाबानाव थायाय चन्द्रपारा अन्थागोलाव



गामिनि धनन्जय नार्जरी। मख'नो गोनांदि, करना भाइरास साग्लोबसारानायनि सिगां धनन्जय

नार्जरीआ बायदि खामानि मावनानै नख'र खुंबोदोंमोन। नाथाय करना भाइरास

साग्लोबनार्यानि जाउनाव खामानि गैजायै जानानायनि उनाव बिथाड जिउ खुंनायनि गुबुन मोनसे लामा नागिरनानै लानो गोनां जादोंमोन। मानोना बिथानि सायाव बैसो जानय बिफा, बिजिजों लोगोसे सांने गथ'साफोरखौ खानायनि बिबान दड'। बेनिखायनो बिथाड करानि समाव मा मावनानै मा बायदिनै जिउ खुंलांनानै मुलाम्फा मोनो हागोन बेफोरनि सायाव सान्नाया-हनाय खालामबाय (□ 5 बिलाइआव)





# ताजमहल आरु कुतुबमिनारनि गेजेराव बबेया जौसिन?

भारत हादतआवबो गोबां मुलुगदांखा आरु समायना जायगा, जारिमिनारि लुथाइफोर दड। बेफोरनि गेजेराव त। ज. म. ह. ल. अ. न. ० मख 'जाथावसिन, जायनि समायनाखौ बयबो मिबथिगौ एबा खोनाबाय। ताजमहलनि बागै गोबां मिबथिथाव जारिमिनारि बाश्रा आरु आदब बाहायनायफोर दड। फारसेथि कुतुम मिनारआबो ताजमहलनि खर्मसिन नड। गोबां सुबुंफोरा बे मोनैनि गेजेराव बबेया जौसिन बेखौबो गोना-गोथो जायो। कुतुबमिनारखौ गोजौनि थाखाय बांसिन मिबथिनाय जायो। नाथाय ताजमहलआबो बिबिन्दो गोजौ, बेयो गिदिर-गुवारनि थाखाय बेखौ हमदांसनो हाया। भारतयारि जारिमिनारि लुथाइफोरनि गेजेराव ताजमहलआ मोनसे, जायखौ



मुगल बादशाह शाहजाहानआ गावनि बेगम मुमताजनि थाखाय बेखौ लुहोदोमोन। मुलुगनि मोन 7 सोमोनांथाव लुथाइफोरनि गेजेराव ताजमहलआ मोन 7 सोमोनांथाव लुथाइफोरनि गेजेराव ताजमहलआ मोनसे, जायखौ बानायनायाव 22 बोसोर गोबाव सम नादोमोन। जारिमिननि

बायदिल्ला, बे समायना आरु सोमोनांथाव लुथाइखौ बानायनायाव 20,000 कारिगरफोरनि आखाय दंमोन। बै समावनो बेखौ लुनायाव 32 मिलियन रं खर्चा जादोमोन। दिनैनि मख 'जाथाव सोंथिया जादो ताजमहल आरु कुतुबमिनारनि गेजेराव बबेया

जौसिन। थं-थं जोबोद गोजौ नुनो मोन्याय कुतुबमिनारनिखुइ ताजमहलआ जौसिन होनोव्ला नोंथाड फोथायनाय नड। नंगौ बे बाश्राया थार। जारिमिन आरु सरकारि वेवसाइटाव मोनो हानाय बायदिल्ला, ताजमहलनि गोलावआ 73 मिटर आरु कुतुबमिनारआ 72.5 मिटर गोजौ।

## हाजो ओन्सोलाव बरफ गोग्लैनायजों हायेनआव गुसुआ बांदों



गोदान दिल्ली, 19 डिसेम्बर : हाजोफोराव लाश्रियै बरफ गोग्लैदों। हाजोफोराव बरफ गोग्लैनायनि जाहोनाव दिल्ली-एनसिआरनि बिदुंआ दावखलायदों। राजथावनि दिल्लीयाव गुसु बारहावा बारनायनि जाहोनाव गुसुआ बांदों। हादतनि राजथावनिनाय मंगलबारखालि बारहावा बारनायनि गोखैथिया घन्टाफोमबो 16-18 कि:मि: थायो। फारसेथि दिल्लीजों

लोगोसे एनसिआरआवबो गुसुआ गोखैथै बांदों। एनसिआरनि माखासे ओन्सोलफोराव गोबां गुसु जानायजों लोगोसे खुवा खुनायाबो जागायदों। फारसेथि अखानि बाश्राखौ बुडोव्ला कन्याकुमारि तिरुनेलवेल्ली थुथुकुडि आरु तेनकासिजों लोगोसे खोला तामिलनाडुनि माखासे जिल्लाफोराव थार 'नाय गैथै अखा हानाया आरुबाव खनसे गोबां सिलिंखार

खालामदों। रइज्योआव गोबां अखा हानायनि जाहोनाव आबादथिलि, लामा बायदि ओन्सोलफोराव थार 'नाय गैथै अखा हानाया आरुबाव खनसे गोबां सिलिंखार खालामदों। रइज्योआव गोबां अखा हानायनि जाहोनाव आबादथिलि, लामा बायदि ओन्सोलफोराव दै लोमदों। आइएमडिनि बायदिल्ला दिल्लीयाव फैगौ 4 सानआव अखांआव जोमै साग्लोबनो

हागौ। फुंनि समाव सरसन्हा खुवा खुगोन। मंगलबारखालि दिल्लीनि मेक्सिमाम बिदुंआ 22 डिग्रि जागोन जेराव मिनिमाम 6 डिग्रिनि खाथियाव थानो हागौ। फारसेथि बुधवारनिफ्राय शुक्रवारसिमाव मिनिमाम बिदुंआ 5 डिग्रिनि खाथियाव थानायनि आसा दड। फारसेथि दिल्लीजों नांजाबनाय ओन्सोलफोराव लानानै बोथोर बिफानआ हमदांदोदि, फैगौ 2 साननि उनाव सरसन्हा जोमै साग्लोबनायजों गुसुआ बांनो हागौ। समबारखालि मिनिमाम 8 डिग्रि सेल्सियास आरु मेक्सिमाम बिदुंआ 23 डिग्रि सेल्सियास थिसनजादों। बारनाया घन्टाफोमबो मेक्सिमाम 12 किल 'मिटर गोखैथिजों सोलिदों। मंगलबारखालि राजथावनि पाटनाजों लोगोसे रइज्योआव बांसिन बाहागोफोरनि बोथोर रानस्राव जानायजों फुंनि समाव खुवानि गोहोमखौ नुनो मोनगोन।

## गिबि पेसेन्जार प्लाइट बिरजेन्नायाव सोर गिबियै टिकेटखौ बायदोंमोन

दिनै 17 सान, बे सानआवनो 120 बोसोर सिगां 1903 माइथायाव राइट ब्रादाशंआ गावनि गोबाव समनि सुजुनाय सिमांखौ मोगथाडव महर होदोंमोन आरु सुबुंफोरसो गांखं लागायनायै बिरनायनि हाबिलाखौ जाफुंसार जाहोदोंमोन। बे बायदिनो मुलुगआ बबेबा औरैबायदि गिदिर बिरग्रा मुवाजों मोगा-मोगि जादोंमोन, जेराव गाखोनानै अखांआव गिदिनो हादोंमोन। बेनि उनाव जागायो दावबारिफोरनि थाखाय गोबां सुबुं गाखोनो हानाय पेसेन्जार प्लाइट बानायनायनि हाबाफारि। बेनिफ्राय लानानै दासिमाव पेसेन्जार प्लाइटफोराव गोबां सोलायनाय फैयो आरु आथिखालाव सुबुंफोरनि थाखाय उरां जाहाजजों दावबायनाया गिदिर बाश्रा नंला। फारसेथि बै समाव गिबिसिन पेसेन्जार प्लाइट जागायजेन्नायनि बाश्रा बुडोव्ला, आथिखालनि गोबांआनो बेफोरखौ मिबथिया। 106 बोसोर सिगां मुलुगनि गिबिसिन पेसेन्जार प्लाइटआ 1914 नि जानुवारिआव बिरजेन्नोंमोन। बेखौ 'प्लाई



बट' मुडै मिबथिनाय जायो, जायखौ सेन्ट लुइनि थमास बेनवाया डिजाइन खालामदोंमोन। बे प्लाइटआ फ्लरिडाआव गंनै सहरफोर सेन्ट पिटर्सबार्ग आरु टम्पानि गेजेराव 42 किल 'मिटरनि 34 मिनिटआव दावबायदोंमोन। अदेबानि बेनि गुबुन मोनसे मडेल 14 बेनआ एयारबटनि मेक्सिमाम स्पीडआ घन्टयाव 103 किल 'मिटरमोन। सेन्ट पिटर्सबार्ग आरु टम्पानि गेजेराव 34 कि: मि: जान्थाइखौ थि खालामनायाव 23 मिनिटनि सम लादोंमोन। बे प्लाइटनि पाइलटनि मुंआ टनी जेनासमोन,

जाय मोनसे मोजां मोन्दाथि गोनां पाइलटमोन। अदेबानि पेसेन्जार प्लाइटखौ गिबिखेब उरायदोंमोन। गासै 567 कि: ग्रा: लिथथाइनि 8 मिटर गोलाव आरु 13 मिटर गुवार प्लाई बटखौ ट्रेनि गेजेरजों सेन्ट पिटर्सबार्गआव लाबोदोंमोन। बे प्लाइटआव सासे पाइलट आरु सासेल पेसेन्जार जिरायनायनि राहा दंमोन। दंफांजों बानायनाय बे सिटआव पायलट आरु पेसेन्जारआ आलादा-आलादा जिरायनो हायोमोन। बुंनाय जायोदि, 1914 आव गिबि खेब पेसेन्जार प्लाइटनि टिकेटनि निलामी खालामनाय जादोंमोन,

मानोना बेयावनो सासे सुबुंनि सिट दंमोन। बे निलामीआव 3,000 सुबुंफोरा सेट पिटर्सबार्गनि वाटरफ्रन्टआव सौहैदोंमोन, जेराव टिकेटनि निलामी जानांगौ दंमोन। बे टिकेटखौ फिल मुंनि सासे बेयारहाउस बिजनेस खालामग्रा सुबुंआ बायदोंमोन आरु बेनि टिकेटआ 400 डलारआव निलाम जादोंमोन, जायनि बेसेना आथिखालाव 8,500 डलारनि बांसिन। गिबि खेब उरायनायनि उनाव प्लाइटनि टिकेटखौ थि खालामनाय जादोंमोन। उरांआ सप्ताहयाव 6 सान सानसेयाव खेबनै उरायोमोन।

# रंजालि गथ'फोरनि सौरा

## गजल खन्थाइ

रेबबाय थायोबा सोदोबा फैयो भर भर नायथायनाय फैदो लाइमोन लोगोफोर

खन्थाइनि थिलिआव खन्थाइ रेबनाय थालिम लाखिनि अराय बोथोर

आरो जों जौनि लाइमोन समाजाव बयबो आगान फोलावनि खन्थाइ रेबनो हुर हुर

जेराव जौनि लाइमोन गायामाखौ बुंनाय जादों जेरावबो जेरेबो गोहो गोरा थार

-रैदोम बर',  
माजदिया, बगुलामारि,  
बाक्सा

## सिमानि अनजालि

अनजालिनि थंखौ नायगिरनानै हालाय-हाफाय जिउ मोनसेआ दिनै, बेसेदि अनसुलि बिनि आंखौ रायदावनाय हाया आं खोमाना लानो गोर्बोजों अननाय।

दडजानांगौ बियो आंखौनो लामा नायना जौनि लांगोनाजों फेगौबा सानना, आखाइयाव आरनाइ फालि लानानै गानहोनो गोदोनायाव साखा-फारा जानानै।

दडमोन सारि-सारि गयनि बारि बागान नायखोमायो अनजालिया सिरि-सिरि आनि आगान, सोंखोमायो लामाजों फैनयमानि उदिस लायो आंखौनो लोगो हमनायनि।

सोनाब फैसालिनि जारां साना लिंहरव्लाबो गोसो जाया बियो एंगारना थानो माल्लाबाबो, थांखिया आंखौ लोगो हमथारगोन गोसोनि खोथाफोरखौ फोरमायलायगोन।

-निजोम बर'  
पशिम पानेरि,  
अदालगुरि

## जिउनि अनजालि

आनि जिउनि मोदायजो गोर्बोनि अनजालि मोन जों। गेलेनाय नंडमोन आनि नोंखौ मोजां मोननाया। दिनै नाथाय मानो? आनि गोर्बोनि गोथार अननायखौ नेवसिनानै नों नंखाय खालामखो? नडमोन अनजालि बियो दसे समनि थाखाय; अराय समनि थाखायसोमोन। सिमांआवबो सानाखेमोन आं, नों अनजालिखौ गुबुनजों आनत्राय लांगोन होनानै। नाथाय जिने नेवसिबाय नों अनजालिया गोर्बोनि गोथार अननायखौ। सानदोंमोन आं नों अनजालिखौ जीउनि खालामनो फैमाल नाथाय बे आनि साननाय। होलांबाय नों अनजालिया गोसोआव हाजासे दुखु गालांबाय नों अनजालिया गोर्बोआव जुजायनि अर थांबाय नों..... जिउनि अनजालि।

श्री दैया मसाहारी  
ला:सो:- हलथुगाव  
जिला-कक्राझार बि टि सि आसाम

## आं नौनि थाखायल

आंबोथ नौनि थाखायल रावनिबो नड बे जोनोमआव, मोनथियाखेमोन नामा नों आंखौ मोजां मोना सानदोंमोन रजे सिमाडव सानदों नोंजों गेलेगोन नाथाय मोगथाडव सानदों नों माल्ला आनि जागोन। सानै सानै सानसोनो हाला आवसाव जाबाय आं नौनि समायना महरखौ बिखा सिंआव थानाय मोनबा बिदि जाया जागौमोन। नाथाय सना आं बे जोनोमआव नोंखौल मोजां मोनो नोंखौल गोसो थोयो, उसाव-बादाव आनि गोर्बोआं नोंखौल सानो मानोथाय।

मुप्ति थनिजा ब्रह्म  
गाभि: धावलाबारि  
जिल्ला: कक्राझार।

## गोसो थोफ्लांबाय आं

गोसो थोफ्लांबाय आं नोंखौ स'ना; मा होनानै रायज्लायबावगोन आं नोंखौ लोगो मोनबोला सना। जाया नंड जाबाय नोंबो सासे महर गोसा नोंबो सासे महर गोसा सिखोला; फसाया नंड फसायफ्लांबाय आनि जावलिना गोसोआबो। गोजावनांबाय आं नौनि महरावनो रायखोमा जानांबाय आं ; सुबुंजों हिनजावनि फागोला बखि जानांबाय आं लामा-सामा। दोहो-दोहो खामगिल लांडे आनि सोलेरा दुखुनि मोदेंजों लोमसाव फैयो; जेबोला नौनि हायना गोनां महरखौ गोसोखांडे हाया आं नोंखौ बावनो हाया। नौनि मिनिनाय नौनि रायज्लायनाय दिनै नुयै गामोनबो नुयैनो; गोसो थोफ्लांबाय आं नोंखौ सना नों मानि-दामानि। नाथाय नागिरै-नागिरै मोनबायमोन आं सायखना नोंखौल बे जोनोमाव; मोनहां-मोनाहां जागोना जाया आनि गोसोजों हास्थायनाया। बेयो आं अराय सम नौनि गुरै रावनि फिन्याय सना; आनि गेरेब देरानि दरखांआव।

श्री राम नाथ बसुमतारी  
श्रीमन्त शंकरदेव गोजौ फरायसालि  
ला:सो:- न्यु बडाउगाव  
जिला-चिरां बि टि सि आसाम

## दानि सिख्लाफोर

बर' हारिनि सिख्लाफोर टाउन बाजार होमबाथाइ जेरावबो हायलोब हायलोब गाननाया बिसिनि सुरिदार लंफेन गैया माथो नोंसोरनाव बर' हारिनि गाननाय। बायबाय नामा बायदि मैयानि गाब-गान्नाय दखना; दानाय लुनाय कृष्टि मोसानाय बायदि-आसार खाश्रिखौ। गैया नामा नोंसिनि गोसोयाव बर' हारिखौ जौगाखां होनायनि मिजिक बिबादिल्ला जों बर' राइजोखौ-मात्रै मोननो; फैं जों बर' हारिया बयबो खौसे जानि बर' हारिखौ जौगाखां होनायनि मिजिक बिबादिल्ला जों बर' राइजोखौ-मात्रै मोननो; फैं जों बर' हारिया बयबो खौसे जानि बर' हारिखौ जौगाखां होनाइया-जौनि आखाइयावनो दं। दाजासै नोंसोर रावबो एना एनि मालाइ हारिनि आथि सिडव-थाबाय थानायनि सम गैला फैंदो फैं बयबो ज.ज; सुरदिनि जों आगान गोजों लामाजों।

मुश्री गोसोखां बसुमतारी  
रामफलबिल गोजौ फराइसालि  
गाभि- मैनागुरि।  
जिला- कक्राझार, बि टि सि, आसाम।

# इउपि, सोनाब बंग आरो पान्जाबआव पेट्रल, डिजेलनिखुइ बांसिनै जौजों खामायगारिनो दड

**गोदान दिल्ली, 19 डिसेम्बर:** रइज्यो सरकारफोरनि थाखाय जौआ खामायनार्यनि गिदिर फुंखा। मध्य प्रदेश, राजस्तान आरो इउपि बायदि गिदिर रइज्योफोरनि टेक्स आयआव जौनि बाहागोआ 15.22 जौखोन्दोसिम। मध्य प्रदेश आरो राजस्तानआव जौजों खामायनाया पेट्रल-डिजेलनि रुजुनायाव खम। इउपिआव जौनि टेक्सजों रइज्यो सरकारआ 58 रोजा कौटि बुधुमो आरो पेट्रल-डिजेलनि टेक्सआ 40,360 कौटि। बेबादिनो पान्जाबआव पेट्रल-डिजेलनि टेक्सजों 7033 कौटि आरो जौजों 9785 कौटि टेक्स फेयो।



बेराफासैं सोनाब बंगआव 13,280 कौटिनि रुजुनायाव जौजों 17,921 कौटि टेक्स मोनो। बे बिथिडव महारास्ट्रनि थासारिआ उल्था। बेचाव जौनि सायाव टेक्सजों

जौजों खामायनाया 40 जौखोन्दो बांदों। बे समाव हादरनि गासैं रइज्योफोरनि खाजोनाया 32.25 लाख कौटि रनिन्फ्राय बांनानै 43.09 लाख कौटि रं जायो आरो बे समाव रइज्योफोरनि जौजों खामायनाया 2 लाख कौटिनिन्फ्राय बांनानै 2.82 लाख कौटि रं जायो एबा 40 जौखोन्दो बाडो। हादरनि दर 11 रइज्योफोरनि जिडिपिआव जौनि बाहागोआ 1 जौखोन्दोनिखुइबो बांसिन। बयनिखुइ बांसिन थागिबि थानाय इउपिआव बेयो बांसिनै 2.37 जौखोन्दो। गासैं रइज्योफोरनि जौजों खामायनाया 2.82 लाख कौटि आरो

बिसोर टेक्सनिन्फ्राय 21.23 लाख कौटि रं मोनो। अदेबानि रइज्योफोरा गावसोरनि सोदानयनिन्फ्राय मोन्याय टेक्सनि खामायनार्यनि 13.28 जौखोन्दो बाहागोआ जौनिन्फ्राय फेयो। थंन्याय 2015-16 आव बिहारआ टेक्सजों 30,875 कौटि आय जादोंमोन। बेनि गेजेराव 4,000 कौटि एबा 12.95 जौखोन्दोआ जौनिन्फ्राय फेयोमोन। रइज्योनि बादिब्ला, बे थांथिजों दासिमाव 35 रोजा कौटिनि खहा जायो। नाथाय सोलोंथाय आरो देहायाव साबसांदों।

## सेम्पियन्स लीगनि प्री-क्वार्टर फाइनलाव बांसिलना-नेपलीआ सेलेन्जआव, एम्बाप्येनि पिएसजिआ नोरजियासिम टीमफोरजों जायगा मोन्दों

**माद्रिद, 19 डिसेम्बर:** स्पेनि क्लाब बांसिलनाआ इउएफए सेम्पियन्स लीगआव गोखों टीमजों जायगा मोन्दों। प्री-क्वार्टर फाइनलाव बे टीमआ इटलीनि गोखों बादायारि नेपलीजों सेलेन्जआव ऑंखारगोन। नेपलीआ थांन्याय सिजनआव इटलीनि लीग सिरि-एआव बिमुं देहादोंमोन। सुइजारलेण्डनि सहर नियनआव सेम्पियन्स लीगनि प्री-क्वार्टर फाइनल मेचनि इआ खुंजादों। इ बादिथै प्री-क्वार्टर फाइनल मेचनि गिबि लेगआ फेगौ बोसोरनि 14, 15, 21 आरो 22 फेब्रुवारिआव खुंजागोन। बेनि उनाव नैथि लेगनि मेचआ 6, 7, 13 आरो 14 मार्चआव जाहेगोन। इटलीनि क्लाब आरो थांन्याय बोसोरनि रानासंआप टीम इन्टार मिलनआबो गोखों बादायारिजों गोलैदों। बे टीमआ स्पेनि क्लाब एथलेटिक' डि माद्रिदजों बादायनगोन। डिएए' सिमियनीनि कचिंआव बे टीमआ डिफेन्सआव गोखोंसिन जाबोगारिनो दड। गुबुन फासैं इन्टार मिलानआबो लांथियै मोजाडे दिन्थिफुनायनि थाखाय मिथारिआ जायो। बेबादि थासारिआव मोननै टीमनि गेजेराव गोखों सेलेन्जखों नुनो हागौ। बारा' सेम्पियन मन्वेस्टार सिटिआ इआव गोलैं टीमजों जायगा मोन्दों। इंग्लेण्डनि बे क्लाबआ डेनमार्कनि एफसि कपेनहेगान क्लाबनि सेलेन्जआव ऑंखारगोन। खेब 14 सेम्पियन जाखंनाय रिशेल माद्रिदआबो गोखों इ टीम मोन्दों। स्पेनि क्लाब माद्रिदआ



जार्मनीनि आरिब लाइपजिनि सेलेन्जआव ऑंखारगोन। लाइपजिनि टीमआ गावसोरनि दिन्थिफुनायजों बयखोंबो सोमोहोबोदोंमोन। इंग्लेण्डनि आसैनेल क्लाबनि टीमआ पुर्तुगालनि एफसि पर्तिन सेलेन्जआव ऑंखारगोन। गुबुन फासैं जार्मनीनि बरुसिया डटमुनआ नेडारलेण्डनि क्लाब पिएसबि आइन्डभेननि सेलेन्जआव ऑंखारनो थियारि। फ्रान्सनि स्टार फुटबलर सिलियन एम्बाप्येनि टीम पिएसजिआ स्पेनिनि रिशेल कसिडजों ऑंखारगोन। गोबाडनो बे मेचखों एम्बाप्येनि जर'खा जागोनखों मिजिंथिदों आरो पिएसजिखों देहागोननि मिजिंथि लादों। जार्मनीनि बेयान मिडिनिखनि सेलेन्जआव इटलीनि लाजियआ सेलेन्जआव ऑंखारगोन। इउएफए इउरपा लीगनि प्लेअफ राउन्डनि इआबो जानानै थांवाय।

इटलीनि क्लाब एएस रमाआ नेडारलेण्डनि पेयेनईनि सेलेन्जआव ऑंखारगोन। इटलीनिनो एसि मिलननि सेलेन्जआव फ्रान्सनि रेनेसाआ सेलेन्जआव ऑंखारगोन। स्पानि कचआ जज मारिन्ह जानानै दड। इउरपा लीगआव प्लेअफ मेचनि गिबि लेगआ फेगौ 15 फेब्रुवारि आरो नैथि लेगआ 22 फेब्रुवारिखालि जागोन। प्लेअफनि उनाव 23 फेब्रुवारिखालि प्री-क्वार्टर फाइनल मेचनि इआ खुंजागोन। प्लेअफआव देरहनाय मोन 8 आरो गुप राउन्डआव गिबि नम्बरआव जायगा आवगिन्याय मोन 8 टीमफोरखों जुथायै इनि गेजेरजों सेलेन्जआव ऑंखारहोगोन। बेनि उनाव प्री-क्वार्टर फाइनलनि गिबि लेगआ फेगौ बोसोरनि 7 मार्च आरो नैथि लेगआ 14 मार्चखालि जाहेगोन। पुर्तुगालनि देरसिन फुटबल लीग सेम्पियन्स लीगनि बेयो 32 थि सिजन जागोन। जायनि सेम्पियनआ फेगौ बोसोरनि 10 जुनआव सायख'जागोन। बे लीगआ 1955-56 आव खुंजेरजादोंमोन। बै समाव इउएफएजों खुंजानाय बे लीगखों इउरपियन सेम्पियन्स मुंजों मिथिन्याय जायोमोन। जायनि मुंखों 1992 आव सोलायनानै इउएफए सेम्पियन्स लीग दोन्याय जादों। जायनि मोनफ्रोम सिजनआव मोन 32 टीमफोर बाहागो लायो आरो बेफोरखों मोन 8 गुपआव रन्याय जायो।

## बिटिसि सरकारनि थामथि बोसोर आबुं जानायनि लोब्बायै मटर साइकेल रेलि खुंदों

हाबलानानै गोजोननि खौरं होलांगोन। बिटिसिनि दावबायथाय बिफाननि मावफुं सोद्रोमा धर्म नारायन दासआ फिर्कफला जांखिनानै बेखेवनानै होनाय बे मटर साइकेल रेलियाव गासैं सा 30 बाइकासफोर बाहागो लायो। दिनेनि मटर साइकेल रेलिनि बेखेवनाय हाबाफारियाव बिटिसिनि दावबायथाय बिफाननि सोक्रोटारि जतिन बरा, बिफाननि बिफान गहाइ जयन्त शर्माजों लोगोसे बिफाननि गोबां बिबानगिरि-मावफारियाफोर बाहागो लायो। गोजोननि खौरं फोसावनार्यनि बे हांथिन्याय मटर साइकेल रेलिखों बेखेवनानै बिटिसिनि दावबायथाय बिफाननि मावफुं सोद्रोमा धर्म नारायन दासआ खौरं बिजौनि सिगाडव बिटिसियाव गोजोननि थासारि फेफिन्यायनि थाखाय बिटिसिनि गहाइ मावफुं सोद्रोमा प्रमद बर'निसिम साबायख'र जासिहरो। बिथाड दासनिन्फ्राय गोजोननि थासारिया जौगाथाय लाबोदों होनानै फोरसायनानै बिटिसि खुंथायनिन्फ्राय गोजोन गायसन्नायखों लानानै गुबुन गुबुन हाबाफारि खुंबोदों। बेनिनो बाहागो महेर दिनें बगामाति फासैं मटर साइकेल रेलि हाबाफारि खुंन्याय जादों होनानै बिथाड बुडो। बे रेलियाव थांथिन्याय जायगासिम सहेनार्यनि सिगां लामायाव मोनलानाय मानासखों लाफानानै गुबुन गुबुन दावबायथिलियाव बाहलाडो। लोगोसे गाबोन बिजनीयाव गिबि मन्थि हिमन्त बिश्व शर्मा फेगोननि खौराड बिटिसिआव रंगानार्यनि दोहौं लाबोदों मानोना बिथाड फेब्ला माबा मोनसेब्लाबो फोसावलाडो होनानै बिथाड बुडो।

## बिजिरसालिया सानै दायनिगिरिफोरनो श्रम जोबथेसालिनि साजा फोसावदों

हाबाफारिया सोलिबायय थायो आरो दिनें कक्राझार जयदेब कचनि जर'खा बिजिरसालिया 41(1) पक्क' आइनिन गेजेरजों जयनाल आबेदिनो 25 बोसोर गोब्राब जोबथेसालिनि साजा फोसावो। लोगोसे 15 रोजा रनिं जुरिमाना होयाब्ला उक्रायै 6 दान जोबथेसालियाव थांनगोन होनानै खोनासं होयो। गुबुन फासैंथि, कक्राझार जिल्लानि गसाइगाव पुलिस थानानि सिडव थानाय जनालि गामिनि रहल मुसाहारीखों 5 बोसोरनि गोब्राब जोबथेसालि फोसावो कक्राझार जयदेब कचनि जर'खा जोबथेसालिआ। थंन्याय 2020 माइथायनि 15 आस्टआव गसाइगाव पुलिस थानायाव रहल मुसाहारीनि हेंथायै मोनसे गसर थिसन्नाय जादोंमोन। सासे उन्दै हिन्जावसाखों जिनाहारि खालामनो नाजादोंमोन रहल मुसाहारीआ। गसाइगाव थानानि गसर नं 339/20 आरो जर'खा गसर नं 28/20 बादिथै बिजिरसालियाव नार्यबिजिरनार्यनि हाबाफारिया सोलियो आरो दिनें कक्राझार जयदेब कचनि जर'खा बिजिरसालिया रहल मुसाहारीखों पक्क' आइनि सिडव 5 बोसोरनि गोब्राब जोबथेसालिनि साया फोसावो। लोगोसे बा रोजा रनिं जुरिमाना होयाब्ला उक्रायै 2 दान जोबथेसालियाव थांनगोन होनानै बिजिरसालिया खोनासं होयो।

## सिबिआइनि डायरेक्टर प्रभिण सुदआ इम्पलआव..

बिबान सामलायनार्यनि माखासे दान उनावनो सिबिआइनि गासैंबो इडनिटफोरव दावबायखांबाय। बिथाड सभवार मोनाबिलिनि 5 रिगायाव गुवाहाटीनिन्फ्राय इम्पल उरं गाथोनसिम सौहेंदों। उरं गाथोनआव रइज्योनि डायरेक्टर जेनेल अफ पुलिस रजीब अंदा बिथांखों बरायो आरो उनाव बिथांमोनहा रइज्योनि आधिखालनि थासारिनि बागै सावरायो। मख'जाथावदि, मणिपुरआव थांन्याय मेयाव हारियारि हिंसाजों रइज्योनाडै हिंसानि अर जौब्लावदोंमोन, जेराव दासिम सा 175 सुबुंफोरनि जिड गोमाबाय आरो रोजा-रोजा सुबुंफोर बिथा गैजायै जानाना रिफिउजि बायदि आख्य बादफोरव जिड खुंनदों।

## मेघालय एस.एल.डि.सि.आ मानगोनां थामथि एल.डि.सि. बान्था 2023 देरहादों

ग्रिड-इन्डिया पावार सिस्टेम एवार्डस (जिआइपिएए) मोनैखोंबो दिन्थिफुडो, जायखों सिगाडव पसक पावार सिस्टेम बान्था महेर मिथिन्याय जायोमोन। मिरु मोब्लिब गोहो बिफाननि मन्थि राज कुमार सिंहआ बे हाबाफारियाव गहाय आलासि महेर नुजाथिदोंमोन। मेघालय पावार ट्रेन्समिसन कर्परेशन लिमिटेड (एम.इ.पि.टि.सि.एल.) नि सामलायगिरि (ट्रेन्समिसन) ए. खरपण आरो मेघालय एस.एल.डि.सि.नि नार्यदिगिरि इन्जिनियर टी. गिडनआ मेघालय रायजोनि जानानै बे बांथाखों आजावदों। मेघालय एनजी कर्परेशन लिमिटेड (एमइएसिएल) नि मासिगिरि आरो सामलायगिरि बिथानगिरि (सिएमडि) सन्जय गयलआ बुंदोंदि, बे मानगोनां गनार्यथि मोनार्यनि थाखाय जों गोगानाय आरो साबायखर बाबो। बे बांथाया रायजोआव मोनसे फोथायजाथाव आरो आखा-फाखा मोब्लिब जगायनाय आरो ग्रिड सामलायनार्यखों रोखा खालामनायाव गासैं मेघालय एस.एल.डि.सि. हान्जानि गोब्राब नाजानाय आरो थाद'यै बावसोमनार्यनि फोरमान। बे जाफुंसारनाया हान्जानि मदद आरो गोब्राब नाजानायनि अन्गा जाथावना नडमोन जाय 24 घन्टा खामानि मावो। मेघालय एस.एल.डि.सि.आ जाखांफुनाय एस.एल.डि.सि. थाखोनि सिडव मावफुंआरि साबसिननि थाखाय मानथाखो थि खालामनाय थादों। बिसोरनि गोदान आदबफोर, आखा-फाखा फुंखा सामलायनार्य आरो ग्रिड दिदोमथिनि थाखाय बावसोमनाया भारतरि पावार ग्रिडनि मोजाडेमावफुंनार्याय मख'जाथाव बिहोमा होदों।

## पद्मफुखि गामियाव ट्राक सालायगिरिआ गावनि जिउखौ..

हाग्राबारियाव आलिनि गोथे सहखों फांसे बिफाडव फासि लानाय थासारियाव नुयो आरो जाथायनि सोमोन्दै पुलिसनो खौरं हरनायाव गसाइगावनि पुलिस हान्ज्याय जाथायथिलियाव नुजाथिहेनानै गोथौ सहखों बोखाडो आरो पस्ट मटेम खालामनो थाखाय देहा फाहामसालिसिम दैथाय हरो। गुबुन फासैंथि, गोसो बायगिलनानै सेकान आलिआ गावनि जिउ फोजोबनानै लादों होनानै नख'रनि सुबुंफोर सन्देह खालामदों। खौरं बिजौनि सिगाडव मिथिहोनाय बादिब्ला, थंन्याय दानसेनिन्फ्रायो सेकान आलिनि गावनि मोन 12 खब साखा गोनां ट्राकआव मुवा-बेसाद लाबोनाय समाव गुवाहाटीनि आमिनगावआव मटर हान्था मेला बिफाना गारिखों लाखिनानै सिप्रोमदोंमोन आरो गारिनि गासैं फोरसान लाइफोरखों हमनार्यजों लोगोसे गासैं 45 रोजा रं जुरिमाना फोनादोंमोन। लोगोसे सेकान आलिनि ड्राइभिं लाइसेन्सखोंबो हमदोंमोन। बे जाथायनि उरनिन्फ्रायनो आलिनि गोसो बायगिलदोंमोन आरो जोबथायनार्याय सेकान आलिआ गावनि जिउ फोजोबनानै लादों होनानै नख'रनि सोद्रोमाफोर सन्देह खालामदों। गुबुन फासैंथि, बे जाथायनि अनगाथैबो माबाफोर गुबुन जाहोन दंबावो नामा बेनि सोमोन्दै पुलिसआ संदानार्यखों जागायजेन्दों होनानै सुलुड फोरमायदों।

## लामा रैखाथिनि गोहो चता ..

माइथायाव गथ'साफोरनि गेजेराव लामा रैखाथिनि सायाव सांग्रांथि लाबोनाय आरो लामा रैखाथिनि गुदि नेम-खांथिफोरखों बाहायनार्यनि सायाव गोनांथि होनानै गुवाहाटीनि फरायसालिनि फरायसाफोरनि गेजेराव लामा रैखाथिनि सायाव सांग्रांथि लाबोनायनि थांथिजों दिहुन्नाय जादोंमोन।

## गसाइगाव दखरा एबसुनि ...

से बोसोराव गसाइगाव दखरा एबसुआ मा थांथिखों लानानै हाबा मावगोन, बेफोरखों लानानै दखरा आरो दालाइसाफोरनि दैदेनिगिरिफोरजों गुवारै सावरायो। मख'नो गोनांदि, दिनेनि बे हाबाफारियाव कक्राझार जिल्ला एबसुनि आफादगिरिजों लोगोसे लोगो नेहाथारी रातिया बसुमातारिआबो बाहागो लादोंमोन।

## खारिजा बिजनीआव आसाम...

सभाया उदालगुरिनि किटन न'नि लांगोनायाव मैया सानसेनि हाबाफारिजों मिरु चेतना सान फालियो। सानसेनि हाबाफारिजों फालिन्या चेतना सानाव आसाम साहित्य सभानि फिर्कफला बिशेनाय, मुंखलंफोरनो मान बाउनाय, गोसोखांथि बिजाव बेखेवनाय बायदिजों लोगोसे गुबुन गुबुन हाबाफारि खुंन्याय जायो। सानजौफु समाव खुंन्या गेवलां मेलाव गहाइ आलासि महेर आसाम साहित्य सभानि आफादगिरि पयसिं उ सुजकान्त हाजिरिका, बिटिसिनि मावफुं सोद्रोमा गौतम दासजों लोगोसे माखासे बिबानगिरिफोर बाहागो लायो। हरनि समाव ओन्सोलनि आर्टिस्टनि हेफाजाबाव हारिमुवारि दिन्थिफुनाय हाबाफारि खुंन्याय जायो।

## लकसभा आरो रइज्यो ...

रमेश, उ अमि याजनिक्, शक्तिंसं गहिलजों लोगोसे माखासे एमपिफोरखों सारुपेन्ड खालामो। बेराफासैं लकसभानिन्फ्राय कंग्रेस पार्टिनि एमपि अधि रन्जन चौधुरि, एन्ट एन्टनी, के मुस्लीधरन, कडिकुनेल सुशे, अमर सिं, राजमहन उन्नीथान, थिरुनावुक्केशर, गौरभ गगै, बिजय कुमार वसन्थ, उ के जयकुमार, आब्दुल खालिकखों सारुपेन्ड खालामो। बेराफासैं टिएमसिनि कल्यन बेनांजि, अयुषा पद्धार, प्रसुन बेनांजि, सोगता राय, शताब्ती राय, अस्मित कुमार मल, प्रतिमा मन्डल, काकलि घष, सुनिल मन्डलखों लकसभानिन्फ्राय सारुपेन्ड खालामो।

## तामिलनाडुआव गोबां अखा हानाया गिखंथाव...

दावबायारिफोरखों दिहुनो थाखाय रेलवेया गोब्रोडै नाजादों। अखाजों दै बाना बायदि सोमजिनार थासारिखों नोजोर होनानै खोला रेलवेआ माखासे ट्रेन लाइन्सखों सोलायदों। खोला तामिलनाडुआव लांथियै अखा हानायनि जाहोनाय भारतीय अखांमा सान्थिया समबायखालि तामिलनाडुआव माब्लाबाबो जाफेरै दैबाना आरो अखानिन्फ्राय रेहाय मोनो थाखाय भारतीय सान्थिजों आखाय हमलायदों। भारतीय अखांमा सान्थिया एक्सआव मोनसे परस्टआव बुंदों, 18 दिसेम्बरखालि तामिलनाडुआव थंन्याय 24 घन्टयाव अखा हाबाय थादों। बे गोबां अखा हानायजों तिरुनेलवेलि आरो थुथुकुडि जिल्लायाव गिखंथाव दैबाना सोमजिदों। भारतीय अखांमा सान्थियै थाबैनो खौरं होदों।

## बिपिएफनि सालबारि जिल्ला सुत्रधर सेल ...

सुत्रधर सेलनि मिरुनि गहाइ नेहाथारि बिदेस्वर सुत्रधरआ दोलोनि गुबुन गुबुन दिगनि सायाव बिबुंथि होनायजों लोगोसे इउपिपिएल दोलोखों गोखों रवजों सोंखारियो। मेलाव बिपिएफनि बाडइ सानखो सेलनि दैदेनिगिरि गाजिब रहमान, साहजहान आलि आहमेद, बिपिएफनि मथनगुरि ब्लक आफादनि आफादगिरि असर सिंह बसुमतारि, सालबारि ब्लक आफादनि आफादगिरि राजु बसुमतारि मोनहा आलासि महेर बाहागो लायो। मख'नो गोनांदि, मेलाव दिनेनिफराय मावफुं जानाय बायदि बिपिएफनि सुत्रधर सेलनि गोदान दाफुंन्याय सालबारि जिल्ला आफादनो बिबानख'गथायनानै होयो बिपिएफनि मिरु आफादनि सुत्रधर सेलनि गहाइ नेहाथारि बिदेस्वर सुत्रधरआ।

## फातेह-अल-सिसिआ थामथि खेब मिश्रनि हादरगिरि सायख'जाब

थाखोनि बयनिखुइबो बांसिन सुबुं अन्जिमा गोनां दैदेनिगिरि महेर थामथि खेब हादरगिरि जानो थांगासिनो दड। थंन्याय 10-12 डिसेम्बरआव जानाय बिसायख'थिनि भटखों सानार्यनि उनाव माहाथारि बिसायख'थि अटरिटीआ बुंदों, सिसिआ 89.6 जौखोन्दो भटआव देहासाय जायो। अथरिटीनि गहाइ हाजेम बदबिआ बुंदों, भट होनाया 66.8 जौखोन्दोसिम सौहेंदों, जाय सोमोनांथाव। सुलुंनि बादिब्ला, 39 मिलियननि बांसिन मिश्रनि थागिबिफोर बारा' सान्थि गहाइ सिसिनो गावसिनि भटखों होयो, जाय 10 बोसोरनिन्फ्राय बयनिखुइबो बांसिन सुबुं अन्जिमा गोनां आरब हादरआव खुंथाय खुंदों। मिश्रनि नसुंसे हादर गाजाआव इजरइल-हमास दावहा आरो हादरनि दासिमनि बयनिखुइबो गात्रिसिन रंखांथिजों लोगोसेनो गोबां जेनाफोरजों मोगा-मोगि जानानार्यनि गेजेराव सिसिआ देहासाय जानो हदों। सुलुंनि बादिब्ला, मिश्रनि सेलेन्सफोरनि गेजेराव गनार्यथिन्ज्यायैआव 10 बोसोरनिबो बावसिन नायबिजिरनार्या सिसिनि फासैं जायखि-जाया गोब्राब अजदखों फोजोबनानै होयो, जाय 1952 नि उरनिन्फ्राय सान्थिनि रेंकफोरनिन्फ्राय जाखोंबोनाय 5 थि हादरगिरि। मख'जाथावदि, सिसिआ सा 3 गुबुन बिजाथिफोरनि हेंथायै बिसायख'थि बादायदोंमोन। जायनि गेजेराव रवबो हाइ प्रकाइलनि नडमोन। अदेबानि बिथाड गावनि अभियानआव हेंथा होदों होनानै गावनि समाय सिमनाखों फोजोबदों आरो बितांनि गोबां हेफाजाबगिरिफोरखों हमनाय जायो। बेराफासैं थंन्याय मोननेबो बिसायख'थियाव सिसिआ 97 जौखोन्दो भटजों डेहासाय जादोंमोन। मिश्रनि हादरगिरिआ बिसायख'थियाव देहासाय जानायाव गहाइ मन्थि मदिआ बिथांनि थामथि खेब बे मासिआव सायख'जानार्यनि सिगाम हामलायथि हरदों।

## सालबारियाव इउपिपिएल दोलोनि खौरांगिरि मेल

इउपिपिएल-जिएसपि जुथाय हान्जानि गुबुन गुबुन थाखोनि मावथिफोर जगदान खालामनार्यनि अनगाथैबो थंन्याय 16 डिसेम्बरआव बाकसा जिल्लानि सालबारि महकुमानि सिडव थानाय गवर्धनाआव बिपिएफनि जगदान हाबाफारियाव इउपिपिएलनि सा 46 मावफारियाफोर जगदान खालामनार्य खौरांआ खौरं बिजौंआव गोसारनार्यनि उनाव इउपिपिएल दोलोया गोखों फिनजाथाय होयो। दिनें इउपिपिएल दोलोनि सालबारियाव थानाय मावखुलियाव मोनसे खौरांगिरि मेल खुंनानै बिपिएफखों गोखों रवजों सोंखारियो सालबारि जिल्ला इउपिपिएलआ। खौरांगिरि मेलाव सालबारि जिल्ला इउपिपिएलनि आफादगिरि बिखन गयारीआ इउपिपिएलनिन्फ्राय बिपिएफ दोलोयाव जगदान खालामग्राफोरनि गोबां सोद्रोमाफोरनो इउपिपिएलनि गोखों मावथि नडमोन। सिगां इउपिपिएल दोलोजों नांथावदोंमोनब्लाबो बिपिएफआव जगदान जानार्यनि सिगां दोलोनि जेबो बिबानाव गैयामोन होना फोरसायनानै बिपिएफ दोलोयाव गोदानै हाबनाय कनक चन्द्र बर'नि हेंथायै खुदिरिखानानै प्रमद बर' दैदेन्याय इउपिपिएल दोलोनि हेंथायै कनक चन्द्र बर'जों लोगोसे बिपिएफ दोलोनि गुबुन मावथिफोर गात्रियै फोसावनार्यनि गोखों अजद दैखाडो। खौरांगिरि मेलाव इउपिपिएलनि आफादगिरि बिखन गयारीआ बुडोदि, प्रमद बर' दैदेन्याय बिटिसि खुंथायाव दासांदि गोजोन थासारि फेफिन्दों। बिटिसिनि मोनफ्रोमबो बिबाबजों लोगोसे सालबारि बिबाबवबो गोखों जौगाथाय नुनानै इउपिपिएल दोलोखों राइजो-राजाफोर बजबनानै लादों। बिटिआरआव जौगाथायखों नुनानै बिपिएफ दोलोया जावलिया जानानै प्रमद बर'नि हेंथायै गात्रियै फोसावदों होनानै बिथाड बुडो। आफादगिरि बिखन गयारीआ सालबारि बिबाबनि एमसिएलए जय मुसाहारीखों गोखों रवजों सोंखारिनानै सरकार गैथै एमसिएलएफोर मा जौगाथाय लाबोगोन होनानै खेंसिलायै बुडो। खौरांगिरि मेलाव इउपिपिएल दोलोनि गहाइ थाखोनि मावफारियाफोरनि गेजेराव गोरोबलायै जादों नामा होनानै खौरांगिरिनि सेंथिनि फिन्यायव बिखन गयारीआ इउपिपिएल दोलोनि सासेबो दैदेनिगिरि-मावथिफोरनि गेजेराव जेबो गोरोबलायै जायाखै, अदेबानि इउपिपिएल दोलोनि गासैंबो मावथिफोर खौरैसिथै सालबारि बिबाबनि जौगाथायनि बिथिडव गोनांथि होबोदों होनानै बिथाड फोरमायो। गुबुन फासैंथि, दोलोनि गागि दैदेनिगिरि चन्दन ब्रह्मनि सोमोन्दै खौरांगिरिआ सोंथि खालामनार्यनि फिन्यायव चन्दन ब्रह्मआ इउपिपिएलनि दैदेनिगिरि नाथाय चन्दन ब्रह्मनि सोमोन्दै मिरुनि मावथिफोर बिबुंथि होगोन होनानै बिथाड फोरमायो। दिनेनि बे खौरांगिरि मेलाव सालबारि बिबाबनि टिसिएलसिसिनि मासिगिरि बिन्द मुसाहारी, नेहाथारि सरत पाठक, मावफुं सोद्रोमा पन्चानन दास, लाइमोन इउपिपिएलनि आफादगिरि सत्यजित बर', सालबारि ब्लक आफादनि गहाइ नेहाथारि अकन दैमारीजों लोगोसे दोलोनि माखासे दैदेनिगिरिफोर बाहागो लायो।

## सामाइन हार्बेल सप मुंनि मिथिंगायारि दुगैगा साबोन दिहुन्नानै फालांगियाव आगान होदों ...

थानाय समावनो बिथाड इउटिउब नायबाय थानायावनो गुबुन गुबुन मिथिंगायारि दुगैगला साबोन दिहुन्नार्यनि थांथि लायो। मानोना धनन्जय नाजरीजों लोगोसे नख'रनि सोद्रोमाफोर बिफां गायनानै जौथोन लानार्यनि सायाव जर'खा गोसो होबोदों आरो बिथानि नख'रनि लांगोनायाव गोबां रोखोमनि मुलिनि गुन गोनां बिफां-लाइफां गायना लाबोदों लोगोसे बायदि रोखोमनि बिबार गायनानै समायना बिबान बागानबो बानायनानै लादों। बेनिखानबों धनन्जय नाजरीनि गोसोयाव साबोन दिहुन्नार्यनि बिथिडव बिथानि न'नि लांगोनाया बिथानि बे थांथि लानायाव गोबां मदत होदोंमोन। गिबियाव एमाजननिन्फ्राय साबोन बानायनार्याव गोनांथि जानाय गोथां मुवा-बेसादफोरखों बुधुमनानै थुलुंसि बिलाड, मैदोफुल, निम बायदिजों मिथिंगायारि गुन गोनां साबोन दिहुन्नानै गावनो बाहायनार्यजों लोगोसे गामिनि बाहागिफोरनो बाहायनो होदोंमोन। बे बायदिनो बिथानोमनि मोजां बिबुंथि मोनो हानार्यनि उनाव सोलिफु बोसोरनि फेब्रुवारीदाननिन्फ्राय फालांगियायि थाखोयाव साबोन दिहुन्नार्यखों जागायजोनो। बेनि सोमोन्दै धनन्जय नाजरी आरो बिथानि बिसि बिन्दिया नाजरीआ खौरं बिजौनि सिगाडव फोरसायनार्य बादिब्ला, आधिखालामव बिथानोमनहा मुन्बाइ, गात्रियावदनि अनगाथैबो फेलिफनिन्फ्राय, आफिफा, इउएएसएनिफराय अन्वलाइन फोरोंथाय लादों आरो आधिखालाम मोन 6 रोखोमनि निम-थुलुंसि, गलाप, मैदोफुल, निमु पिगमेन्टेसनि थाखाय मिथिंगायारि गुन गोनां साबोनखों हाथायव दिहुन्नार्यनि उनाव दासांदि मोन 22 रोखोमनि साबोन जैरे- मोखानि गोसो दागो, बिगुन थननायखों होबथानार्यनि थाखाय दिहुन्नार्य पिगमेन्टेसन साबोनफोर राइजो-राजाफोरनि अन्त्यायनाय मोनो हदों होनानै मिथिहोदों। खौरं बिजौनि सिगाडव फालांगिरि नाजरीआ 60 के.जि गोनां मुवा-बेसादजों फेब्रुवारी दानाव गुवार थाखोयाव साबोन दिहुन्नार्यनि खामानिखों जागायजेनानै लासै लासै अन्जिमाखों बांहेनानै आधिखालाम दानफाया 500 किल'ग्राम गोथां मुवा-बेसाद जौरे- सिया बाटर, गोरामा गइखेर, थाव बायदि लाबोदोंमोनब्लाबो बिथानोमनहा बायगिरिफोर नागिरनार्य बादिथै साबोन जगायनो हायाखै। बे बिथिडव बिथानोमनहा रंखांथिनि अंखालाव माखासे जेनाजों मेगा-मोगि जानादोंमोन। धनन्जय नाजरीनि बिसि बिन्दिया नाजरीआ बालें गावपुंथा हान्जानि सोद्रोमा जानार्यनि थाखाय गिबियाव 50 रोजा आरो उनाव 2 लाख रं लन लानानै फालांगि खालामदोंमोन। मख'नो गोनांदि, करनाया नोरजिया खालामलानार्यनि उनाव बिथानोमनहा गोबां जेनाजों मोगा-मोगि जानादोंमोन। मख'नो गोनांदि, समाइना हार्बेल सप मुंनि आबुं मिथिंगायारि गुन गोनां दुगैगा साबोननि उरव खानाय ग'नाय आरो खानाय गुफुर जानायखों होबथानार्यनि थाखाय भेषज थाव आरो सेमु दिहुनो थाखाय गुदि खामानिफोरखों जागायजेन्डोमोन होना मिथिहोनाय धनन्जय नाजरी आरो बिथानि बिसिआ आधिखालाम थाव-सेमु दिहुन्नानै गा

# एश्वर्या राय आरो भिभेक अबेरयनि सोमोन्दोखौ बिफा सुरेश अभेरयआ मोन्थियामोन

भिभेक एबेरय आरो एश्वर्या राय बच्चननि सोमोन्दोआ मोनसे समाव गोबां खौराडव थादोमोन। बिसोर सानैआ लोगोसेयै 2004 आव रिलिज जानाय सावथुन 'क्यों ह गया ना' याव फाव खालामदोमोन। मिस वर्ल्ड जानाय एश्वर्या रायआ माब्लाबाबो भिभेक अबेरयजो गावनि सोमोन्दोखौ रोख खालामाखैब्ला गुबुन फारसेथिं भिभेक आ के रियारनि जागायजेन्नायाववो गावनि सोमोन्दोनि सायाव उदाडै बाथ्रा सावरायदो। बे समाव बियो सलमान खाननि सायाव गोबां दाय जाबसिन्दोमोन। नाथाय भिभेक अबेरयनि बिफाया मोनसे समाव एश्वर्या



रायजो बिन सोमोन्दोखौ मोनथियामोन आरो जेब्ला बिन बिफाया मोनथियो अब्ला बियो फिसाज्जलाखौ बुजायो। मख'नो गोनादि, भिभेक अबेरयआ गोबाव बोसोर सिगां सलमान खाननि सायाव दाय जाबसिन्दोमोन। नाथाय भिभेक अबेरयनि बिफाया मोनसे समाव एश्वर्या

गोबां फन खालामोमोन आरो हुमखिबो होयोमोन होन्ना बुंदोमोन। बेनि उनाव मोनसे एवाडै स्वनि जौसाडव भिभेक अबेरयआ साफ्रोमबोनि सिगाडाव खोमा हमनानै सलमान खाननियाव निमाहाबो बिदोमोन। बावैसो समाव

बिन बिफाया सलमान खानजो गावआरि महरै गावनि इक्वेशनआ माबायदि बेनि सोमोन्दै बेनि सोमोन्दै फोरमायनानै बुदो, गाव बै समनिक्राय लानानै दिनेसिमबो भिभेकनि केसआव रिलीफ जायो। दिनेसिमबो गावसोर

जेब्ला लोगोसेयै गोबां मोजाडै लोगो हमलायो। जेब्लानो सलमान खानआ गावखौ लोगो मोनो, अब्ला बियो गावनि सिग्रेटखौ दोनखोमायो आरो गोबां मानहोनानै गावजो बाथ्रा रायज्जलायो। गाव अरायसम भिभेकखौ सलम खाननि आर्थिं खुलुमनांगौ होन्ना बुडो, मानोना गावबो बिनो गोबां सनमान होयो। मख'नो गोनादि, एनिमेल सावथुनआव रणबिर कापुरनि बिबोनि फाव खालामनाय फावखुंगुर सुरेश अभेरयआ सावथुन कबिर सिंआव शाहिद कापुरनि बिफानिबो फाव खालामखांबाय। जायखौ सन्दिप रेड्डी भांगायावो बिथोन होदोमोन।

## गाहाम देहानि राहा

एल 'भेरानि गिलाससे जुसखौ सानफ्रोमबो लौनायजो देहायाव गोबां मुलाम्फा मोन्तो हायो



एल 'बे'रानि मुलाम्फाखौ साफ्रोमबो सुबुंफोरा मिथियो। स्कीन आरो खानायनि थाखाय एल'भेराआ गोबां मुलाम्फा गोनां। नाथाय एल'भेरानि गुनआ स्कीन आरो खानायावो थाबथानानै थाया। बेखौ जानायजो नोंथाड गोबां बेरामफोरनिफ्रायबो रेहाय मोनो। एल'भेरयाव थानाय भिटाविन, मिनारेल आरो अमिन' एसडआ नोंथांनि देहानि थाखाय गोबां मुलाम्फा गोनां जायो। जर'खा महरै गुसु बोथोरनि समाव एल'भेरानि जुस लौनायजो नोंथांनि इमिउनिटि आरो मेटाबलिज्मआ मोजां जायो। (1) एल'भेरयाव एन्श्रुकुइन मुनि कम्पाउन्डखौ मोन्नाय जायो, जाय खि गोरा जानायनि जेनाफोरनिफ्राय रेहाय

होयो। एल'भेरखौ जानायजो उदैनि क्रेम्पखौ मोजां खालामनायावबो मदद मोनो। लोगोसेनो बे बोथोराव डाइजेसनखौ मोजां खालामनायाव बेजुसखौ रवबो जुजिनो हाया। (2) गुसु बोथोराव बांसिन सुबुंफोरनि इमिउनिटिआ लोरवां जायो। जायनि जाहोनाव बेबादि सुबुंफोरा गोबां बोथोरनि बेरामिफोरनि बेखनथायाव फैयो। बेबादिआव गावनि इमिउनिटिखौ गोखौ खालामनो थाखाय एल'बेरा जुसखौ लौनांगौ। बेनि जुसखौ लौनायजो नोंथांनि इमिउनिटिआ गोखौ जायो आरो थाबैनो बेरामआव गोग्लैनाय नड। (3) एल'भेरानि जुसआ देहानिक्राय माखासे जेनाफोरखौ बाइजोआव खालामनायावबो

मदद होयो। देहायाव माखासे बिष गोनां मुवा थायो, जाय देहायारि जेनाखौ सोमजिहोयो। एल'बेरा जुसखौ लौनायजो बे जेनाथौ जानगर खालामनो हायो। (4) लोरबां मेटाबलिज्म थानायजो सुबुंफोरा थाबैनो देहानि लिरथाय बांनयनि जेनाजो भुगिनाडो, लोगोसेनो लोरबां मेटाबलिज्मनि जाहोनाव सुबुंफोरनि डाइजेसनआ मोजाडै जायो। (5) थैनि बाडाइ जानायजो सुबुंफोरा एनिमियानि मैहुर जायो। बेबादिआव गिलाससे एल'भेरा जुसआ बे जेनानिफ्रा रेहाय होनायाव गोबां मदद होयो। एल'भेरा जुसखौ उदै खालियाव लौनायजो रेड ब्लाड सेल्सनि अन्जिमाया बांनो ह्यो आरो थैनि बाहाइ जानायनि जेनाखौ जानगर खालामो।

## सानि देअलनि सावथुन सफरआव सलमान खानआ केमिय' फाव खालामगोन



2023 आव गादार-2 जो बक्स अफिसनि गोबां गिदिर रिक्ड'फोरखौ सिफायनायनि उनाव आथिखालाव सानि देअलआ गावनि रिलिज जानो गोनां सावथुन 'सफर'नि थियारिफोराव नांथाबदो। बे सावथुनआव सानिनि उनाव आथिखालाव सलमान खाननि एन्ट्रीआबो जाखांबाय।

फारसेथिं सलमानआ बे सावथुनआव केमिय' फावल' खालामगोन। रिपर्टनि बायदिब्ला, बियो जानुवारियाव सावथुन सफरनि श्रुटिखौ खालामगोन। बावैसो समाव पिंकविलाया सावथुन मेकिजो सोमोन्दो गोनां मोनसे सुलुनि गथायनायजो लिरदोदि, 'सफर'आ गोबां गोसो बोनो हाथाव सावथुन जागोन, जाय

सानि देअल आरो सासे चाइल्ड आर्टिस्टनि आलादा-आलादा जेनाफोरजो दावबायनायनि सल' जागोन। सानि देअलआ सलमानखौ सावथुनआव केमिय' फाव खालामजानो हास्थायदोमोन। बेनि थाखाय बियो गावो कल खालामनानै बिनियाव केमियनि थाखाय आरज गाबदोमोन। सलमान खानआबो कल'आववो

सावथुननि थाखाय गनायदो। रिपर्टनि बायदिब्ला सलमान खानआ 2024 नि जानुवारिआव सावथुन सफरनि श्रुटि खालामगोन। बिन श्रुटि शोडयुलआ 1 साननि जागोन। सावथुनआव सलमानखौ रियेल लाइफनि सुपारस्टार सलमान खान जानाय नुनो मोनगोन। सलमान आरो सानि देअलआ मोजां लोगो। जेराव सलमान खानआ सानिनि फिसाज्जला करण देअलनि जुलिआव सौहैदोमोब्ला गुबुन फारसेथिं गादार-2 खौबो बियो गोबां बाख्नायदोमोन। सानियावो गावनि सावथुननि प्रमशन खालामनो सलमान खाननि स्व बिग बसआव सौहैदोमोन। बेनि सिगांबो बिसोर सानैआ 'जित' आव लोगोसेयै स्क्रिन शेयार खालामखांबाय। सानि देअलनि रिलिज जानो गोनां

सावथुन सपरखौ 2024 आव रिलिज जानो थियारि जादो। बे सावथुनखौ भिशाल राणा, एकलन प्रडाक्शननि बेनार सिडव प्रडिउस खालामदो। बेनि अनगायै सानि देअलखौ सावथुन लाहौर 1947 आवबो नुनो मोनगोन। सानि देअलनियाव आथिखालाव मोनसे अनटइवेल सावथुनबो दड।

## शाहरुख खानआ भिक्की कौशलखौ लानानै माखासे बाथ्रा फोरमायदो



शाहरुख खानआ पठान आरो जवाननि उनाव आरोबाव मोनसे ब्लकबास्टर सावथुनजो बक्स अफिसआव रिक्ड' सिमफायनो फेसिगोन। सावथुन डंकिनि प्रमशननि थाखाय बियो गोबां नाजादो। बावैसो समाव फावखुंगुरआ सावथुननि थाखाय मोनसे प्रि-रिलिज इभेन्टबो खालामदो, जेराव बियो सावथुनजो सोमोन्दो गोनां माखासे बाथ्राफोरखौ फोरमायदो। आथिखालाव मेकास' आ इडुआव शाहरुख खान, तापसि पानु आरो राजकुमार हिरानिनि मोनसे भिडिअखौ शोयार खालामदो, जेराव एसआरकेजो सोमोन्दो गोनां जाथायफोरखौ फोरमायनाय

नुनो मोन्दो। शाहरुख खानआ भिक्की कौशलजो लोगोसे सेटनिफ्राय थाइसे लिबुनि जाहोनाव जानाय जाथाइखौ फोरमायदो। शाहरुख खानआ फोरमायदोदि, क्लासरुमनि मोनसे सिनआव गाव भिक्की कौशलनि लिबु ब्रादार जादो। शाहरुखआ बुदो, सुबुंफोरा ब्लाड ब्राडस' जायो, नाथाय

गाव लिबु ब्राडस' जाखांबाय। सानसेखालि भिक्कीआ गावो फन खालामनानै बेखौबो बुदोदि, 'केट्रिनाजो आं थाबैनो जुलि जाफ्लादो, जुदि जुलि जायाखैमोनब्ला आं नोंजो जुलि जासिगोमोन। भिक्की कौशलआ केट्रिना केफजो सिरियै डेटि खालामनयनि उनाव 2021 नि 9 डिसेम्बरआव जुलि जादोमोन। बिसोर सानैनि गेजेराव 5 बोसोरनि फारागथि दड। मख'नो गोनादि, राजकुमार हिरानिनि बिथोन होनायाव बानायनाय डंकिया 2023 नि 21 डिसेम्बरआव सिनेमालफोरव रिलिज जागोन। शाहरुखनि सावथुनआ प्रभासनि सावथुन सालारजो क्लेस जागोन, जाय 22 डिसेम्बरखालि थियेटरफोराव रिलिज जागोन।

## एनिमेलनि आनकाट भार्जनआ नेटफिलक्सआव रिलीज जानाय नंला

रणबीर कापुर आरो बबी देअलनि सावथुन एनिमेलआ थिएटरफोराव गोबां दोहौ सोमजिखां होदो। सावथुनआव रणबीर कापुर आरो बबी देअलनि पावारफुल पारफर्म'न्सआबो गोबां सावरायजादो। बेराफारस' आथिखालाव नायगिरिफोरनि थाखाय सावथुनआ अटिटिआवबो रिलीज जासिगोन, जायखौ फेन्सफोरा गोसो होसारनानै नेनानै दड। मख'नो गोनादि, अटिटिआव रिलीज जानायनि सिगां सावथुनखौ लानानै माखासे खौरांफोरा सोरखव फेदो, जाय फेन्सफोरखौ एसे दुखु होनो हागौ। गिबियाव एनिमेलनि आनकाट भार्जनआ नेटफिलक्सआव स्ट्रीम खालामनाय जागोन होनानै खौरां फेदोमोन। नाथाय स्ट्रीमिं प्लेटफर्मनि फारस'निफ्राय सावथुनआ सोमोनादो। मिडिया रिपर्टनि बादिब्ला, सन्दिप रेड्डी वांगानि बिथोन होनायाव बानायनाय सावथुन एनिमेलआ आथिखालाव बै अटिटि प्लेटफर्मफोरनि केट्रेगिनि बाहागो जादो, जाय सिबिएफसिनिफ्राय एगुड सावथुनफोरखौ स्ट्रीम खालामो आरो आनकाट भार्जनखौ रिलीज खालामो। रणबीर कापुरनि सावथुन एनिमेलखौ थिएटरआव 3 घन्टा 23 मिनिट 21 सेकेन्डनि



दिन्थिनय जादोमोन, जेराव बेनि आनकाट भार्जनआ 3 घन्टा 51 मिनिटनि जानो गोनांमोन आरो बेयो नेटफिलक्सआव 8 सप्ताहसिम स्ट्रीम जानो

हागौमोन। मख'नो गोनादि, सिबिएफसिआ एनिमेलनो 51 सार्टिफिकेट होनानै 5-6 सोलायनायनि सुबुरुन होनाय जादोमोन। जायनि उनाव

सावथुननिफ्राय 28 मिनिटनि सीनखौ बोखारनाय जादोमोन। मख'नो गोनादि, दासिमाव एनिमेलनि मेकास'निफ्राय सावथुनआ माबे अटिटि प्लेटफर्मआव रिलीज जागोन बेखौ मावख'यारि फोसावाखै। नाथाय सावथुननि डिजिटल पार्टनार नेटफिलक्स जानायनि जाहोनाव सावथुनखौ नेटफिलक्सआववो दिन्थिनय जागोन होनानै आसा खालामनाय जादो।

## इरानआव 70 जौखोन्दो गेस स्टेशनफोरनि हाबाफारिया बन्द' जानादो

तेहरान, 19 डिसेम्बर: सन्देह गोनां साइभार गालोबनायनि जाहोनाव इराननि 70 जौखोन्दो गेस स्टेशनफोरनि खामानिया समबाराव आबुडै थाद'यो। सरकार टेलिभिजन चेनेलनि बायदिब्ला, सफ्टवेयरआव जेना नुजाथिनयनि जाहोनाव गेस स्टेशननि खामानियाव नेम-खान्थि गैयै जानानै फेदो। चेनेलनिफ्राय सुबुंफोरखौ खावलायहरनाय जादोदि, जायफोरा खामानि मावगासिनो बिसोरो जाहाथे बै स्टेशनआव थाड। टाइम्स अफ इन्डियाजो लोगोसे इन्डियानि मिडियाआ गन्जेरके दाराडे एवा प्रडेटरी स्पैर' मुनि हेकार गुपनि गालोबनायखौ बेनि थाखाय



दायनिगिरि गनायथिदो। सरकार टेलिभिजन चेनेलआ थाव मावख'नि फिन्नाय होनायखौ गथाइनानै फोरमायदोदि, हादतआव 30 जौखोन्दोनि बांसिन गेस स्टेशनआ दासिमबो खामानि मावगासिनो दड। मख'जाथावदि, इरानआव 33,00- गेस स्टेशनफोर दड। बावैसो सिगांनि बोसोरफोराव

इराननि गेस स्टेशन, रेलवे अट्रिडि आरो उद्यदफोरनि सायाव गोबां खेब साइभार गालोबनाय जादो। जेलजो लोगोसे सरकारि बिल्डिंफोरखौ नोजोर लाखिनो लागायनाय केमेरफोरखौबो हेक खालामखांबाय। गन्डेरके दाराडेया 2022 आव इराननि खोला-सोनाबाव थानाय गंसे गाहाइ स्टिल कम्पानीनि कम्पुटर प्रग्रामखौ हेट खालामदोमोन।

## करिना कापुरआ फिसाइ सेफजो पटौदी पेलेसआव श्रुटि फालिहैदो

फावखुंगुर करिना खानआ बेरायनो गोबां मोजां मोनो। गरम बोथोर एवा गुसु बोथोरानो जाया मानो बियो गावनि नख'रनि सुबुंफोरजो भेकेशनआव थांनयनि मोनसेबो खाबुखौ नागारा। क्रिसमासनि सिगां करिना कापुरआ गावनि फिसाइनि सेफ आलि खान आरो बिन सानै फिसाज्जलाफोर तेमुर आलिखान आरो जेह आलि खानजो श्रुटि फालिनो थाखाय थादो। करिना कापुर आरो सेफ आलि खानआ नख'रनि सुबुंफोरजो क्वालिटी टाइ स्पेन खालामनो गावसोरनि राजा फोलेरनि मेहेल पटौदी पेलेसआव थादो, जाय गुडगावआव दड। करिनाया पटौदी पेलेसनिफ्राय गावनि भेकेशननि गोबां सावगारिफोरखौ शोयार खालामदो, जाय अरायसमनि



बायदिनो सशेल मिडियाआव साग्लोबसारदो। करिना कापुरआ इन्सटग्राम एकाउन्टआव फिसाइ सेफजो लोगोसे सावगारिफोरखौ शोयार खालामदो। गिबि सावगारियाव सेफआ गार्डेन टेबलआव बेसरनि मैंग आरो एरियाआव जिरायदो आरो जुखामनि रुटि दोन्दो। नैथियाव सावगारियाव करिनाखौ हवाइट बाटर लाबोनाय नुदो। 3 थि

आरो 4 थि सावगारियाव करिनाया गोथां मुला आरो गोदै जाग्रा आदारखौ दिन्थिदो। गुबुन मोनसे सावगारियाव करिनाया मिनिथाव पज होनानै सेल्फ लादो। नेचुरेल रलआव करिनाखौ समायना नुदो। जोबथा सावगारियाव सेफखौ गावनि राजा फोलेरनि महल पटौदी पेलेस फारसे थांनय नुनो मोन्दो। बे समाव बिखौ जेकेट

गान्नाय नुनो मोन्दो। करिना कापुरआ पटौदी पेलेसनिफ्राय भेकेशननि सावगारिफोरखौ शोयार खालामनानै केशनआव लिरदो, जौनिनो आबादथिलिनिफ्राय जुखामनि रुटि, बेसर मैंग। आनि सावसिन मोजां मोन्नाय मुवाफोरनि गेजेराव मोनसे। करिनाया हेशटेगनि गेजेरजो गावखौ विन्टार उमेन होन्ना फोरमायदो।

# रुवेन अजारआ भारतआव इज्राइलनि गोदान राजथान्दै जागोन

**गोदान दिल्ली, 19 डिसेम्बर:** भारतआव इज्राइलनि सासे गोदान राजथान्दै थिसन्नाय जागोन। रुवेन अजारआ इज्राइलाव गोदान राजथान्दै जागोन। बे खौरांखौ इज्राइलनि नेतन्याहु सरकारआ होदों। इज्राइल सरकारआ रबिबाराव रुवेन अजारखौ भारतआव गोदान राजथान्दै महरै थिसन्तो गनायथि होदोंमोन। इज्राइलनि बायजोआरि मन्थि बिफाननि मोनसे बिबुंथियाव बुंनाय जादोंदि, अजारआ श्रीलंका आरो भुटानाव थाग्रा नडे राजथान्दै महरैबो खामानि मावगोन। बिथानि थिसन्थाइया इज्राइल सरकारजों थाबैनो सिबिथाय लानो गनायथि होजानाय मिशनफोरनि 21 गोदान गाहाइफोरनि गेजेराव मोनसे। बायजो हायुंआरि मन्थि एली कहेनआ गोदान थिसनजानाय सुबुंफोरखौ गहाम हामब्लायथि बावहरदों आरो बुंदोंमोनदि, बिसोर इज्राइल आरो बिनि नोगोरारिफोरखौ थान्दैथि खालामगोन। एखे

समावोनो बेयो गावनि रांखांथि आरो इज्राइलनि थाखाय गेजेर हायुंआरि मददखौ गोखों खालामगोन। मावख'आरि रिपर्टनि बायदिव्ला, अजारआ आथिखालाव रमानियाआव इज्राइलनि राजथान्दै महरै हाबा मावगोसिनो दड। नाथाय बेखौ मिथिनाय जायाखैदि, बिथाड गोदान दिल्लीआव माब्ला बिबान लागोन। अजारआ सिगाडव बायजो हायुंआरि मन्थि बिफानाव इज्राइल-आमेरिका-चीन इसिडरि टास्क फर्सनि गाहाय महरै हाबा मावदोंमोन आरो बायजोआरि खांथिनि थाखाय लेडाइ हायुंआरि रैखाथि बोसोनगिरि आरो थाम बोसोरनि समनि एसे उनावनो हायुंआरि रैखाथि आफादाव गाहाय मन्थिनि बायजोआरि खांथि बोसोनगिरि महरै हाबा मावदोंमोन। 2014 मायथाइनिफ्राय 2018 मायथाइसिम अजारआ वाशिंगटन डिसिआव इज्राइलनि राजथान्दै थाग्रा खुलियाव लेडाइ राजथान्दैमोन। बिथाड 2012



माइथायनिफ्राय 2014 माइथायसिम इज्राइलनि बायजोआरि बिफानाव गेजेर सान्जा बिजिरसनि गाहाय आरो 2010 माइथायनिफ्राय 2012 माइथायसिम आममानआव इज्राइलनि राजथान्दै थाग्रा खुलियाव मिशननि लेडाइ गाहाय महरैबो हाबा मावदोंमोन। 1994 मायथाइयाव बायजोआरि मन्थि बिफाननि केडेट फोरोंथाय हाबाफारि जोबनायनि उनाव अजारआ बांसिनै गेजेर सान्जाजों सोमोन्दो गोनां मासिफोर जैर-इरान होबथाग्रा हान्जानि गाहाय आरो गेजेर सान्जा रांखांथियाथि बिजिरसनि सामलायगिरिखौ सामलायदोंमोन। 2003 माइथायनिफ्राय 2006

# रेड सिआव हुति बिग्रायारिफोरनि उतरखारआ बांसिन जाबोदों

**गोदान दिल्ली, 19 डिसेम्बर :** इज्राइल आरो हामासनि दावहाया सोलिबाय थानायनि गेजेराव हुति बिग्रायारिफोरा इज्राइलखौ थांखिनानै मिसाइल गावहरोब्ला, फारसेथि इज्राइलनिफ्राय फेनाय जाहाजफोरखौ रेड सिआव थांखिनानै गाग्लोबनायखौ नुनो मोनगोसिनो। आमेरिकानि दावहानां ग्रा हान्जाया माखासे खेब बेफोर गाग्लोबनायखौ फेलें खालामनो हादों। बेनि गेजेराव आमेरिकाया रेड सिआव इन्टारनेशनेल असिन बिजनेसआव हुतिनि गाग्लोबनायफोरनि बेरेखाथै मोनसे हारिमायारि जुथाइ गोरोबथा खालामनायनि थांखि फोसावदों। बे अभियानआव आमेरिकाजों लोगोसे गोबां हादतफोर दंफायो। आमेरिकानि लाबोनाय गोरोबथानि बिथांखि



अपारेशन प्रस्पेरिटी गाडियेनआव बहरीन, कानाडा, फ्रान्स, इटली, निदारलेण्ड, नर्वे, सेशेल्स, स्पेन, इउके आरो इएसबो दंफायो। आमेरिकानि रैखाथि नेहाथारि लयद आस्टिनआ अपारेशन प्रस्पेरिटी गाडियेनखौ मोनसे रैखाथि हाबाफारि होना बुंदों। हुति बिग्रायारिफोरा गोबां फालांगियारि जाहाजफोरखौ गाग्लोबनानै बिसोरखौ गावसिनि लामाखौ सोलायनो थाखाय नारसिन्दों। रेड सिआव कमांशियेल शिपिनि रैखाथिनि थाखाय आमेरिका आरो गुबुन

अपारेशन प्रस्पेरिटी गाडियेनखौ जरखाथै टास्क फर्स 153 नि गेजेरजों थिसन्नाय जागोन। बेयो रेड सि, यमननि साखाथियाव बाबएल मन्डेब स्टेट आरो एडेननि बोरिमाखौ रैखा खालामो। अस्टिनआ समबाराव बुंदोंदि, रेड सिआव जाहाजफोरखौ खैफोदआव खोलैनाहै हुतिआ इन्टारनेशनेल नेम - खांथि फोरखौ सिमफायदों। बेनिखायनो जों बे खैफोदजों जुजिनयानि थाखाय इन्टारनेशनेल गोरोबथा खालामनायनि नायबिजिरगोसिनो दड। बेयो आमेरिकानि' आयदा नडा, बेयो मुलुगानाडैनि आयदा आरो बेखौनो हारिमायारि राहाथैनो सुखानांगौ। मख'जाथावदि, बोसोरफोमबो 10 जौखोन्दो फालांगिया रेड सिजोंनो थाडे।

# रासिया-इउक्रेन आरो इजराइल-हमास दावहाखौ गाहाइ मन्थि मदिआ होबथानो हागोन दा ?

**वाशिंगटन, 19 डिसेम्बर:** आमेरिकाआ माखासे सान सिगां सासे भारतयारि बिबानगिरिनि सायाव शिख अलगावबादी दैदेनगिरि गुरपतवन्त सिंह पन्नुनखौ आमेरिकायाव जिउ फोजोबनायनि खेसार सानायनि दाय जाबसिन्दों। आमेरिकानि बे दाय जाबसिन्नायखौ भारतआ मान होदों आरो भारत सरकारआ बे बुथारनो खेसार सानायखौ नायबिजिरनो थाखाय मोनसे कमिटी दानो फोसावदों। बावैसो सिगां गुबुन हादरयारि मन्थि एस जयशंकरआबो बुडोदि, कानाडाजों लोगोसे गुबुन हादरफोरा माखासे खौरांनि

सायाव बिथा खालामोब्ला जों बिनि सायाव सावरयनो थाखाय थियारि। आमेरिकानि गुबुन हादरयारि बिफाननि बुंथिगिरि म्थ्यु मिलरआ आमेरिका आरो भारतनि गेजेराव सोमोन्दोफोरखौ लानानै बुडोदि, आमेरिकानि गुबुन हादरयारि सेक्रेटारि एन्टी ब्लिंकनआ बे बोसोराव खेबनै भारत दावबायखांबाय। ज' बाइडेनआबो बे बोसोराव भारत दावबायखांबाय। भारतआ आमेरिकानि मोनसे गाहाइ बाहगो। जौनि नाजानाया गोदान बोसोरावबो दरनै हादरफोरनि गेजेराव बाहगोआ बांगोन। मख'नो गोनांदि, मुलुगआव बे



समाव मोननै दावहा सोलिगासिनो दड। बेराफासं रासिया आरो इउक्रेननि गेजेराव दावहा सोलिगासिनो दड। गुबुन फासं इजराइल आरो हमासनि गेजेराव दावहा सोलिगासिनो दड। बेनि गेजेरजों गाहाइ मन्थि मदिआ आमेरिका, रासिया आरो आरब हादरफोराव बयजोंबो

मोजां मोनजाग्रा राजखान्थि दैदेनगिरि। बे मोननै दावहाखौ फोजोबनो थाखाय गाहाइ मन्थि मदिआ मा खालामनो हागोन। बेनि सायाव म्थ्यु मिलरआ बुडे, बे मोननै आयदाफोरनि सायाव भारतनि फासंनिफ्राय होनाय जायखि-जाया सुबुरुनखौ आमेरिकाया बयजों

# टेलिकम्युनिकेशन बिलजों एलन मास्कनि स्टारलिं कम्पनीया मुलाम्फा मोन्जो हागौ

**गोदान दिल्ली, 19 डिसेम्बर :** सरकारा संसदनि गोजां बोथोरनि जथुम्मानि 11 थि सानाव लकसभायाव टेलिकम्युनिकेशन बिल दिन्थियो। बे बिलआ भारतयारि टेलिग्राफ नेम-खांथि 1885, भारतयारि बायारलेस टेलिग्राफि नेम-खांथि 1933 आरो टेलिग्राफ टार नेम-खांथि 1950 नि जायगा जागोन। बे बिलआव मोनसे औरैबायदि नेम-खांथि दड; जायजों एलन मास्कनि कम्पनी स्टारलिंआ मुलाम्फा मोनो हागौ। अदेबानि सरकार बे बिलआव सेटेलाइट इन्टारनेट सिबिथाइफोरनि स्पेकट्रामखौ निलामि खालामनायनि अनगाथै लाइसेन्स होनायनि नेम-खांथि खालामदों। सुलुडाव फोरमायनाय बायदिव्ला एलन मास्कनि कम्पनि स्टारलिं सेटेलाइटआ इन्टारनेट सिबिथाइ होयो आरो कम्पानिया स्पेकट्रामनि थाखाय निलामि



होया जासे लाइसेन्स होनो दाबि दैखंदोंमोन। लोगोसे माखासे गुबुन हादतयारि कम्पनिफोराबो लाइसेन्स हाबाफारिखौनो दाबि दैखंदाय थादोंमोन। मिडिया रिपर्टनि बायदिव्ला, गुबुन हादतयारि कम्पनिफोरा भारतआव स्पेकट्रामनि थाखाय निलामि जानायजों बिनि बेसेन आरो इन्भेस्टमेन्टआ बांगोन होना बुंदोंमोन। बेरा फारसे हादतनि बयनिखुइ देरसिन टेलिकम अपारेटर कम्पानि रिलाइन्स जियनि थाखाय बे नेम-खांथिखौ सेलेन्स महरै गनायना लानाय जादों। अदेबानि रिलाइन्स जियआ सरकारनाव

स्पेकट्राम आर'ज गाबनायनि थाखाय निलामियायो थि रहा लामा होना आर'ज गाबदोंमोन। बेनि सोमोन्दैथै सेटेलाइट इन्डास्ट्रीनि जर'खागिरिफोरा फोरमायदोंमोनदि, नेम-खांथि बायदियै लाइसेन्सआ निलामि हाबाफारिनि जायगा जागोन आरो बेजों सेटेलाइट सिबिथाइफोरखौ साबसिनै सोलिहोनो हागोन। रिपर्टनि बायदिव्ला भारतआव सेटेलाइट ब्रडबेन्ड सार्थिस मार्केटआ बोसोराव 36 जौखोन्दो जौगाखांगोसिनो दडआरो फेगौ 2030 सिमाव बियो 1.9 आर'ब डलारसिम सौहैनो

# ग्लबेल वार्मिजों भारतनि दर 6 राइज्योफोराव हाग्राबारियाव अर खामनाय जाथायफोरा बांगोन



**गोदान दिल्ली, 19 डिसेम्बर :** ग्लबेल वार्मिनि जाहोनाव हिमाचल प्रदेश, उत्तरखण्ड, मध्य प्रदेश, उरिष्या, छत्तिसगडजों लोगोसे दर 6 राइज्योफोरनि हाग्रा बारियाव अर नांनाय जाथाइफोरा बांसिन जागोन। बेफोर राइज्योआव 2 डिग्रि एबा बेनि बांसिन

हादतनि गिबि संदानायाव बे बाथाग्रा मिबथिनो मोन्दों। ग्लबेल वार्मिनि जाहोनाव मुम्बाइ, गवा, महाराष्ट्र आरो कर्नाटकनि बोरिमा ओन्सोल आरो सा-सान्जा राइज्योफोराव अखायाव बांसिन जागोन। आइआइटी दिल्लीनि सेन्टर फर एटमस्फेरिक साइन्सनि गाहाइ प्रफेसार समनाथ बैद' रायआ फोरमायदोंदि, बिथानि दैदेनायाव पिपेइन्डिनि फरायसा अनुसुइया बारिकआ ग्लबेल वार्मिनि जाहोनाव हाग्राबारिफोराव गोहोम गोलैनाय आरो अर मुडै बे स्टाडिखौ खालामदों। ग्लबेल

वार्मिनि जाहोनाव सोनाब गाथोन एबा मुम्बाइ, गवा, कर्नाटक आरो महाराष्ट्र बोरिमाफोराव आर्ट उष्णकटिबन्धीय वन आरो सा-सान्जानि माखासे बाहागोफोराव अखा आरो सिमाया बांसिन जानायनि आसा दड। फारसेथि संदानगिरिफोरा अखा हानायाबो बांनो हागौ होना हमदादों।

प्रफेसार रायआ बुंदों, हिमाटल प्रदेश आरो उत्तराखण्डआ जोबोद सन्देह' गोनां ओन्सोल जागोन। मानोना बेयाव अर खामनाय जाथाइफोरा लांश्रियनो बांबोगोन। बेयाव दैज्जानि समाव जुलाइ आरो आगस्टखौ नागरानाहै गासै बोसोराडै अर खामनाय जाथायफोरा बांगोन।

# बाइडेनखौ हादतगिरि खालामफिन्नायाव भारतयारि आमेरिकानफोरा गाहाइ बिफाव लानो हागौ



**वाशिंगटन, 19 डिसेम्बर :** आमेरिकायाव सासे भारतयारि फोलेरनि दैदेनगिरिया दाबि दैखंदोंदि, ज' बाइडेनखौ नैथि खेब हादतगिरि खालामनायाव भारतयारि फोलेरनि आमेरिकानफोरनि गाहाइ बिफाव थागोन। बिथाड बुंदों, डेमक्रेट पार्टीआ भारतयारि आमेरिकान फोलेरखौ गावनि बाहागोयाव खालामनो थाखाय नाजानाया जागानांसिगौ। बिथाड दाबि दैखंदावदोंदि, इज्राइल-हमास दावहानि जाहोनाव मुस्लिम-आमेरिकान फोलेरनि फरसेनिप्रय डेमक्रेट पार्टीआ सेलेन्स मोनो हागौ। मेसाच्युसेट्सआव थानाय

डेमक्रेट पार्टीनि थाखाय राजखान्थि फा-ड बुधुमग्रा भारतयारि फोलेरनि रमेश कापुरआ बे बाथाखौ दाबि दैखंदों। पार्टीनि डेमक्रेटिक नेशनेल कमिटीनि रिट्टिआव बाहागो लानो थाखाय रमेश कापुरआ वाशिंगटनआव दडमोन। बे समाव बिथाड बुडे, हिन्दु आमेरिकान आरो भारतआरि आमेरिकाननि नेम-खांथि बायदियै डेमक्रेट पार्टीनि मदत मोन्दों। नाथाय थानाय माखासे बिसायख'थियाव भारतयारि आमेरिकानफोरनि भट जौखोन्दोनि माखासे बाहागोखौ रिपब्लिकन पार्टीआ मोननाया जागायबाय।

# चीनआव बांग्रि मावनायजों सा 116 सुबुंफोरनि जिउ ख'हा



**बेइजिं, 19 डिसेम्बर :** चीनआवबो बांग्रि मावदों आरो बे बांग्रिया गिखंथावमोन। बांग्रिया समबारनि बेलासियाव भारतनि जम्मु-काश्मीर आरो लाहूरआवबो मावदों। अदेबानि बेयाव सिलिंखार एबा जेबो रोखोमनि ख'हा जानायनि खौरां मोनाखै। नाथाय चीनआव बांग्रिजों गेदेर ख'हा जादों। चीननि सरकारी मिडियाआ मंगलबारआव मिबथिहोनाय बायदिव्ला, सा-सोनाब चीननि गुसु आरो हाजो ओन्सोलाव

समबारनि हर गेजेराव गोखों बांग्रि मावो। बांग्रिनि गोखैथिखौ 6.2 रिक्टर होना मिबथिनो हादों, जायजों गांसु आरो किंघाइ राइज्योआव गोबां ख'हा जालाडे। समबार मोनायाव फेनाय बांग्रियाव सा 116 सुबुंफोरनि जिउ गोमायो आरो थैनायफोरनि अन्जमाया बांनो हागौ होन्नाबो चीननि मिडियाआ बुंदों। बांग्रि मावनायनि उनाव हादतगिरि शि जिनपिंआ सार्च एन्ड रेस्क्यु हाबाफारिखौ दावहानि समाव

खामानि मावनाय बायदि गोखों खालामनो बिथोन होयो। मिडिया रिपर्टफोराव फोरमायदोंदि, बे बांग्रियाव सा 500 नि बांसिन सुबुंफोरा जोखोम जादों, न'-बां आरो लामाफोराबो गोब्राब ख'हा जादों। फारसेथि मोब्लिब तार आरो टेलिकम लाइनआबो सिबिथाइ होनायाव जेना नुजायो। चीननि बांग्रि नेटवार्क सेन्टारनि मिबथिहोनाय बायदिव्ला गांसुआव बांग्रिया 10 कि:मि: हा सिंआव 6.2 गोखैथिनि मावदों। अदेबानि आमेरिकान हा बिगियान मिरुआ बेनि गोखैथिखौ 5.9 रिक्टर होना फोरमायदों। बांग्रिनि मिरुनिफ्राय लानानै 100 कि:मि: सा-सान्जा फारसे गांसु राइज्योनि रजथानि लान्जुजों लोगोसे खाथि-खालानि गुवार ओन्सोलाव बांग्रि मावनायखौ मोनंथिदों।

# आइसलेन्डआव अरगों हाजो बेरफुनायजों लाभाआ गिदिर ओन्सोलाव गोसारदों



**अस्ल, 19 डिसेम्बर :** खोला-सोनाब आइसलेन्डनि रेक्रेन्स द्विप हान्जायाव गिदिर अरगों हाजो बेरफुयो। बे बेरफुनाय जाथाइजों सुबुंफोरनि गेजेराव गिनाय सोमजिदों। अरगों हाजो बेरफुनायनि बे जाथाया थानाय माखासे सप्ताहसिमाव फेनाय बांग्रि मावनायनि उनाव जायो। अरगों हाजो बेरफुनायजों मोनसे गिदिर

ओन्सोलाव लाभा आरो अरखिफोरा गोसारो। खौरांनि बायदिव्ला प्रिन्डाविक शहरनि साहा अरगों हाजो बेरफुनाया जागायो। गलिनाय लाभाया हा सिंनिफ्राय ओंखारनो हमो। अरगों हाजोनिफ्राय ओंखारनाय लाभाया आरो अरखिया गोजान-गोजानसिम गोसारदों। सुलुडाव फोरमायनाय बायदिव्ला, हा सिडव 3.5 कि:मि: गोलाव

गावनाय दड, जायनि सिंनिफ्राय सेक्रेन्ड मोनफोमबो गासै 100 निफ्राय 200 क्युबिक मिटार (3,530-7,060 क्युबिक फिट) लाभा ओंखारनासिनो दड। थानाय माखासे सप्ताहनिफ्राय लांश्रियै बांग्रिनिफ्राय दासिमबो आइसलेन्डनि सुबुंफोरा बारग'नो हायाखै। आथिखालाव रेक्रेन्स द्विप हान्जायाव जानाय बे अरगों हाजो बेरफुनायनि सिगांनो खुंथाया बेयावनिफ्राय गासै 4 रोजा सुबुंफोरखौ रैखाथि गोनां जायगाफोराव दोनहैदोंमोन। जायगानि पुलिस खुंथायाबो एलाटआव थानानै सुबुंफोरखौ बे ओन्सोलाव थानो नाडा होना सांग्रांथि होदों।

## मुलुगनाडै भारतीय फोलेरनि सा 24 फुटबलारफोरा गोखोडै दिन्थिफुंगसिनो दड

गोदान दिल्ली, 19 डिसेम्बर: अल इन्डिया फुटबल फेडरेशननि आफादगिरि कल्याण चौबेआ एआइएफएफ नेसनेल टीमआव सेलेक्सननि थाखाय भारतीय फोलेरनि सुबुंफोर (पिआइअ) नि सेलेक्सनखौ लानानै बाध्रा बुंदो आरो थाबेनो सा 24 गेलेगिरिफोरजो सोमोन्दो लागोननि खोथा होदो। पिआइअ आरो भारतनि गुबुन हादरयारि नोगोरारि (असिआइ) गेलेगिरिफोरनि आयदाया गोलाव समनिक्रायनो नेसनेल टीमआव मोनसे सावरायजानाय आयदा जाबोनानै दड। बिसोरखौ लानानै नेसनेल टीमआव सायख 'नायखौ लानानै



दान्थे-बिदान्थेआ गोलाव समनिक्रायनो सोलिबोदो। नेसनेल टीमनि गाहाइ कच इगर स्टिमिकेआ सिगां समावनो भारतीय टीमआव पिआइअ गेलेगिरिफोरखौ सायख 'नांगौनि गोनांथिखौ बुंदोदोमोन। नाथाय बेबादि नेसनेल टीमआव बिसोरखौ सायख 'नाया गोलै

जानाय नंला। मानोना भारतआव बेबादि जायगा मोनोब्ला माखासे हादरयारि नेमखांथिआ गोहोमआव गोलेगोन। मानोना सोरबा पिआइअ गेलेगिरिआ भारतनि थाखाय गेलेनोब्ला भारतनि नोगोरारि जाथारनांगोन। थामहिनबा बे गेलेगिरिआ भारतनि नोगोरारि जानायनि

थाखाय आर 'जलाइ गथायनायनि सिगां 12 दान भारतआवनो थानांगोन। चौबेआ गेलेगिरिफोरनि मुंखौ मख 'यालासे गावसोरनिक्राय सा 24 पिआइअ गेलेगिरिफोरजो सावरायनायनि सायाव नायबिजिरबोनायखौ फोरमायदो। लोगोसे मुलुगनाडै गेलेनाय बिसोर गेलेगिरिफोरनि थाखाय भारतीय नोगोरारिनि स्टेयसनि आयदाखौ बिथाडा मख 'फादो। लोगोसे मिरु सरकारनि नेमखांथि बादियै बे आयदायाव माखासे सेलेन्ज फेगोनखौ बिथाडा मख 'दो।

## आइपिएल अक्सननि सिगां सासे गेलेगिरिआ 20 दाननि थाखाय बेन फोसावजादो

गोदान दिल्ली, 19 डिसेम्बर: आफगानिस्ताननि फास्ट बलार नभिन उल हकआ शारजाह अरियसजो गावनि गेलेनाय रादायखौ सिफायनायनि थाखाय इउएइनि इन्टरनेसनेल लीग टी-20 निफ्राय 20 दाननि थाखाय बेन फोसावजादो। नैथि सिजननि सिगां नभिनआ खेब 9 मेचआव 24.36 जौखोन्दोजो 11 उडकेट लानायनि उनाव टीमनिक्राय बिथांखौ लाफिन्यायनि नटिस दैथायहरदोमोन। नाथाय नभिनआ बे रादायआव मुंसाइनो नेवसिदो। नभिनआ जेब्ला नटिसआव मुंसाइनो नेवसिदोमोन अब्ला टीमआ लीगनि बिबानगिरिफोरजो जाथायनि सायाव सोमोन्दो लाखिदोमोन।



बे समाव इन्टरनेसनेल लीग टी-20 आ नभिनजो बाध्रा सावरायलायनो नाजादोमोन। नाथाय फारनैथिनिक्राय मोनबो सोमोन्दोआव फैयाखै। लीगनि डिस्प्लिनारि कमिटिआव सिफ एक्जिक्युटिभ डेभिड ह्वाइट, सिकिउरिफि आरो एन्टि क्राप्सननि कर्नेल आजम आरो एमिरेट्स क्रिकेट बर्डनि सोद्रोमा जायड आब्लासावो दडमोन।

बे कमिटिआ अरियस आरो नभिननि बाध्राफोरखौ खोनासदोमोन आरो सैथोखौ नायबिजिरदोमोन। बेनि उनाव फिन लीगनि साथाम सोद्रोमानि सामलायगा कमिटिआ केसनि सायाव नायबिजिरनानै नभिननि सायाव 20 दाननि थाखाय थांखि फोसावो। लीगनि सिफ एक्जिक्युटिभ डेभिड ह्वाइटआ बे फोसावनायनि सायाव

गावसोरनि गोजोन्याय गैयैखौ फोरमायनानै गासैबो बिथिनिक्राय नोजोर लाखिनानै नेमखांथि बादियै बिथोनखौ फालिनांगौनि गोनांथिखौ फोरमायो। नभिननि सायाव फोसावनाय बे दायआ फेगो 2025 नि आगस्ट दानसिम थागोन। जाउनाव बिथाडा लीगनि जानो गोनां खेबनै सिजननिक्राय जानगाराव थानांगोन। बे इभेन्टनि नैथि सिजनआ इउएइआव 2024 नि जानुवारि-फेब्रुवारि उडन्ड'आव जागोन। आइपिएल फ्रेन्चाइजी लखनौ सुपार जइन्टसआ आइपिएल 2024 मिनी निलामोनि सिगां नभिनखौ लाखिफिदोमोन।

## ऋषभ पन्तआ आइपिएल 2024 निफ्राय जानगाराव

गोदान दिल्ली, 19 डिसेम्बर: ऋषभ पन्तआ थांनाय बोसोरनि डिसेम्बर दानआव जानाय गारिनि जाब्रथायनिक्रायनो क्रिकेटनि फोथारनिक्राय जानगाराव थाबोदो। बिथांखौ जानो गोनां आइपिएलआव बाहागो जागोननि मिर्जिथि लादोमोन। दिल्ली केपिटल्सआवो पन्तखौ जानो गोनां सिजनआव के प्तेन खालामगोननि सायाव बाध्रा बुंदोमोन। सोलिफु समाव आइपिएल अक्सनआ दुबाइआव खुंजागासिनो। बे समावनो बिथांनि फिटनेसनि सायाव खौराड सोराडव फेफिदो। पन्तआ गावनि फिटनेसनि

सायाव होनाय भिडिअखौ दिल्ली केपिटल्सआ ससेल मिडियाआव शेयार खालामदो। बे समाव बिथांखौ गावनि मोजो फिटनेसआव फेफिन्यायनि बाध्रा बुंनयखौ नुनो मोन्दो। लोगोसे थांनाय बोसोरनि रुजुनायाव सोलिफु समाव गावनि साबसिन देहायारि थासारिखौ फोरमायदो। अब्लाबो 100 जौखोन्दो रिक्भारि जानो हाथ'याखै होनानै मिथिहोदो। भारतआ थांनाय बोसोरनि डिसेम्बर दानआव बांलादेशखौ 2-0 स्करआव फेजेन्नानै टेस्ट सिरिजखौ देरहादोमोन। बे सिरिजआव पन्तआवो टीमनि बाहागोआव दडमोन। नाथाय



बांलादेशनि फािराव 98 मेच गेलेबाय। जायनि गिदिबोफिन्यायनि उनाव बिथाडा 30 डिसेम्बर फुडव गारिनि जाब्रथायाव गोमलैदोमोन। बे जाथायनि उनावनो बिथाडा माखासे स्टेजनि सार्जिजो समखौ बारहोबोनांदो। पन्तआ आइपिएलआव दासिमाव खेब

34.61 जौखोन्दोजो 2838 रान लाबाय। जायनि गेजेराव बिथाडा खेब 15 हाफ सेन्सुरि आरो खेबसे सेन्सुरि लादो। बे समाव आइपिएलआव बिथांनि स्ट्राइक रेटआ 147.97 आव थाहैदो।

## प्रनबी उर्सआ लेडिस इउरपियान टुरनि जोबथा स्टेजआव जुथायै बाथि नम्बरआव

गोदान दिल्ली, 19 डिसेम्बर: भारतनि आइजो गल्फार प्रनबी उर्सआ लेडिस इउरपियान टुर (एलइटि) नि जोबथा क्वालिकायारनि नैथि राउन्डआव 4 आन्डार 68 स्करजो जुथायै बाथि नम्बरआव जायगा आवगिदो। खेबनै राउन्डनि उनाव बिथांनि स्करआ गासै 9 आन्डारआव थाहैदो। प्रनबीआ गिबि राउन्डआव अल माडेन कर्सआव 68 स्कर लाखिदोमोन। नैथि राउन्डआव रयेल गल्फ डि

माराकेस कर्सआव गेलेनाय जादोमोन। सिंगापुरनि सेनन टेनआवो 68 स्कर आर्जिनानै प्रनबीजो जुथायै बाथि नम्बरआव जायगा मोनानै दड। प्रनबी आरो सेननआ मेक्सिक 'नि फार्नान्डा लिरानिक्राय 3 सट उनाव जायगा मोनानै दड। जाय नैथि राउन्डआव 71 स्करजो गासै 12 आन्डारनि स्करजो टप नम्बरआव जायगा मोनानै दड। लिराआ गिबि सानखालि 62 स्करजो



आइजोफोरनि कर्सआव गिदिर रेकड थिसन्दो। नेहा त्रिपातिआ नैथि राउन्डआव 6 आन्डार 67

स्करजो 3 आन्डारनि गासै स्करजो जुथायै 25 थि नम्बरआव जायगा मोन्दो।

## केएल राहुलआ जारिमिन थिसन्नायनि लामायाव



गोदान दिल्ली, 19 डिसेम्बर: भारत आरो खोला आफ्रिकानि गेजेराव खेबथाम मेचनि वन्दे सिरिजनि नैथि मेचआ दिने गकेब्रहा सहरआव खुंजागोन। मोनैबो टीमफोरा बे सहरनि सेन्ट जर्ज पार्क स्टेडियमआव सेलेन्ज लान्जलायगोन। बे सिरिजनि गिबि मेचआव भारतीय टीमआ 8 उडकेटजो देरहादोमोन। सोलिफु समाव बे सिरिजआव भारतीय

टीमनि कामानखौ केएल राहुलआ सामलायनानै दड। बिथाडा बे सिरिजखौ देरहायोब्ला मोनसे गिदिर रेकडआव गावनि मुं लाखिगोन। भारतीय टीमआ खोला आफ्रिकायाव गिबि वन्दे सिरिजखौ 1992-93 माइथायाव गेलेदोमोन। बे समनिक्रायनो भारतआ खेबसेल' खोला आफ्रिकाखौ गावसोरनि

न'आव फेजेनो हादो। गुबुन फार्से खोला आफ्रिकाया भारतखौ नख 'रारि फोथारआव खेब 5 फेजेनो हाबाय। भिराट कहलीआल' सासे एरैबादि भारतीय केपेन जानानै दड; जाय खोला आफ्रिकायाव वन्दे सिरिजखौ देरहादो हादो। बेबादि थासारिआव राहुलआ बे सिरिजखौ देरहायोब्ला कहलीजो समान रेकडआव सौहेनो हागोन। भारतआ 2017-18 आव गेलेनाय खेब 6 मेचनि वन्दे सिरिजखौ 5-1 स्करआव देरहादोमोन। बे सिरिजआव भारतीय टीमनि थाखाय केपेननि बिबान सामलायनाय भिराट कहलीआ टीमखौ मोजाडे गाइड खालामदोमोन। जायनि फारिआव बिथाडा गोखोडे बेटिबो खालामदोमोन। कहलीनि

अनगायै दासिमाव रवबो भारतीय केपेनआ खोला आफ्रिकायाव सिरिज देरहादो हायाखै। एमएस धनी, राहुल द्रविड आरो महम्मद आजरुद्दिनआवो गावसोरनि केपेनआव टीमखौ देरहाहोदो हायाखै। सोलिफु सिरिजनि गिबि मेचआव आफ्रिकानि टीमआ मिर्जिथिनि बाइजोआव दिन्थिफुदो। मानोना बे टीमआ 116 रान लानानैनो अलआउट जादोमोन। जायनि फारिआव भारतनि अर्शदिपआ 5, आभेश खानआ 4 आरो कुल्दिप यादबआ 1 उडकेट लादोमोन। बे टीमनि फिन्यायाव भारतआ 2 उडकेट खोमानानानै टर्गेटआव मोनहैदोमोन। जायनि फारिआव साइ सुदर्शनआ 55 रान आरो श्रेयश अय्यरआ 52 रान लादोमोन।

## भिलारियेलखौ फेजेन्नानै रिएलआ टपआव, पिएसजिआ लीलीखौ समान स्करआव होबथादो

माद्रिद, 19 डिसेम्बर: पेरिस सेन्ट जार्मेन (पिएसजि) आ लीग 1 नि मेचआव लीलीनि हेंथायै 1-1 स्करआव डू मेच गेलेनानै गोजोनांदो। किलियन एम्बापेआ मेचनि 66 मिनटआव मोन्याय पेनाल्टिखौ गलनि महर होना टीमखौ आवगायहोदोमोन। नाथाय कानाडानि स्ट्राइकार जनाथन डेभिडआ मेचनि जोबनायथि 90+ मिनटआव गल सोनानै समान स्करआव लाबोफिदो। बे मेचआव डू मेच गेलेनायजो पिएसजिआ खेब 16 मेचआव 37 पइन्टजो गोखोडै गावसोरनि मासिखौ लाखिदो। बे सिजनआव गोखोडे दिन्थिफु'नाय ब्रेसनि टीम नेनटेसआ 2-0 स्करआव जेन्नायनि उनाव पइन्टनि



फारिआव 5 थि नम्बरआव दावखलायनानै फेदो। थांनाय खेब 5 मेचनि गेजेराव खेबदे देरहानायनि उनाव बे टीमआ लीलीखौ गल स्करनि फारागथिआव 6 थि नम्बरआव गाखलायनानै उनाव लाखिदो। गुबुन मेचआव मासिलेआ कच गेनार' गट्टस'नि दैदेन्नायाव गावसोरनि दिन्थिफु'नायखौ

सुद्रायनानै नख 'रारि फोथारआव क्लेरमन्टखौ 2-1 स्करआव फेजेन्नानै लांथ्रियै ब्रैथि खेब देरहानाय थिसन्दो। जुट बेलिंहाम, रडिग, ब्राह्मिदियाज आरो लुका मद्रिकनि गल सोनायजो रियेल माद्रिदआ भिलारियेलखौ 4-1 गल स्करआव फेजेन्नानै ला लीगानि पइन्टनि फारिआव गिबियाव

सौहैदो। बे मेचनि समाव डिफेन्डर डेभिडआ हान्थुआव गोब्राब जोखोम मोन्यायनि जाउनाव माद्रिदआ जिंगायाव गोमलैदो। बे समाव टीमआ मेचनि उनाव बिथांनि जोखोमखौ मोजाडाव लाबोनायनि थाखाय सार्जिनि गोनांथिखौ मिथिहोदो। भिलारियेलनि थाखाय गरसेल' गलखौ जस लुइस मरालेसआ सोदो। थांनाय खेबथाम मेचनिक्राय गल सोनो हायै हेरि केनआ जार्मान लीग बुन्डेस लीगायाव बेयान मिडनिखनि थाखाय स्टुडगार्टनि हेंथायै 3-0 गल देरहानायव गरनै गल सोदो। थांनाय सप्ताहआव बेयानआ लिभारकुसेनजो 1-5 स्करआव जेन्नादोमोन।

माहारियारि देहा मावथांथि, आसाम  
आसाम सरकार  
बिसि फिसाइनि सांग्राथि  
नख 'रनि रेखाथि

### गोबांथार मुलाम्फाखौ लानि आरो आजावनि फै न'खर बिथांथि राहाफोर

गोजोन आरो रंजानायनि थाखाय मोनसे सायख' महरै फै जो नख 'र बिथांथिखौ आजावना लानि। बे जर'खा नख 'र बिथांथि सोरजिनाय मावथांथिनि समाव मुलाम्फायारि आरो थुलुंगा होग्रा मोननैनिबो थाखाय उफ्रा मुलाम्फाजो लोगोसे नोथांनि साखाथिनि सरकारि देहा फसंथानफोरय थांनानै बेसेन नाडा जासे बायदि न'खर बिथांथि खान्थिनि खाबुफोरखौ लादो आरो आजावदो।

**नख 'र बिथांथिनि अरायथा नडै खान्थिफोर**

कन्डम

इनजेक्टेबल कन्ट्रासेप्टिभ (अन्तरा)

कन्ट्रासेप्टिभ पिलस (माला एन एन्ड साहया)

आइइउसिडि, पिएआइइउसिडि, पिएआइइउसिडि

**अन्तरा लागिरिफोरनि थाखाय (मोनफ्रोम डजआव) 100 रं थुलुंगा होनाय जागोन**

(मोनसे ड'जआव)पिएआइइउसिडि/पिएआइइउसिडि लागिरिफोरनि थाखाय 300 रं थुलुंगा होनाय जागोन।

**एनएसभि लागिरिफोरनि थाखाय 3,000 रं थुलुंगा होनाय जागोन।**

एल एस मिनिलेप लागिरिफोरनि थाखाय 2,000 रं थुलुंगा होनाय जागोन।

पिए एस लागिरिफोरनि थाखाय 3,000 रं थुलुंगा होनाय जागोन।

थुलुंगा होनाय रंखौ आजावगिरिफोरनि बैंक एकाउन्टआव हरनाय जागोन।

वंसिजे निबन्धिनो थारवाय 104 झरेल खालाम एवा नोथांनि अथा/एनएएजो फोर्नाजव खालाम

(NHM/D/2023-24/1633)